

591 2
HENRICI
CORNELII AGRIP-
PÆ LIBER QVARTVS
DE OCCVLTÀ PHI-
losophia, seu de Ceri-
monijs Ma-
gicis.
*

Cui accesserunt, Elementa Magi-
ca Petri de Abano, Philosophi.



Marpurgi Anno Domini.

1559,

HERNANDEZ

CONTRIBUTIO

LIBER QUARTUS

DE OCCIDENTALIBUS

INDIIS

LIBER QUINTUS

DE OCCIDENTALIBUS

INDIIS

Com. recepitur, Francisci Marti

et Socii de Abano Philologia



Imprimi curavit Dominicus

1772

HENRICI CORNELIJ Agrippæ Liber Quartus de Occulta Philosophia, seu de Cerimonijs Magicis.



IN libris nostris de Occulta Philosophia, non tam compendiosè, quàm copiosè declarauimus ipsius Magiæ principium, & rationabilitatem, & quo modo Experimenta elicienda & componenda sint, ad quoscunque mirabiles effectus producidos. Verùm, quoniam illic Theoricè magis quàm practicè, quædam etiam minus completè, quædam verò figuratiuè, & quasi sub Enigmate traduntur: vt aliquândo illa, quæ summo studio diligentia, & curiosa exploratione adepti sumus, rudioribus quibusq; exponantur: Ideo, in hoc libro, quem tanquam complementũ, ac Clauem librorum de Occulta Philosophia, omniumq; Magicarum operationum confecimus, dabimus

A 2 tibi

tibi intemeratæ veritatis, & inexpugnabilis Magicæ disciplinæ, sanctorum Numinum documenta, & experimenta iucundissima vt, quemadmodum, legendo libros de Occulta Philosophia, cupidè hæc scire desideras, ita, legendo hunc librum, de illis veraciter triumphes. Quare ipsum intra secreta religiosi pectoris tui penetrabilia, silentio tegito, & constanti taciturnitate celato.

Illud verò scias, quòd nomina intelligentiarum Præfidentium vniciq; Planetarum, secundum hunc modum constituuntur. Nempe ex figura Mundi, collectis literis, ab ortu corporis Planetæ, secundū successionem signorum, per singulos Gradus, atque ex singulis gradibus ab ipso Planeta aspectis, facta proiectione, à gradu Ascendentis. Consimili ratione nomina Principum maiorum Spirituum, sub singulis Planetis præfidentium, accipiuntur ordine retrogrado, facta proiectione, contra successionem signorum ab initio septimæ Domus. Nomen verò supremæ intelligentiæ, quā plerique animam Mundi arbitrantur, ex quatuor Cardinibus figuræ Mundi colligitur, secundum rationem iam traditam. Et per
oppositum

oppositum modum colligitur nomen magni Dæmonis, super quatuor Angulis Cadentibus. Similiter nomina magnorū Spirituum, præsidentium aëreis Potestatibus, colliges super quatuor angulis Domorum succedentiū. Ita videlicet, vt, ad nomen boni Spiritus eliciendū, fiat projectio, secundum successione signorum incipientium à gradu Ascendentis: ad nomen verò mali Spiritus, econuerso.

Illud autē scias, quòd nomina malorum Spirituum, per has tabulas, extrahuntur, ex nominibus tam bonorum, quàm malorum Spirituum. Ita tamen, quòd si ingrediemur tabulam cum nomine Spiritus boni, secundi Ordinis, nomen mali Spiritus extractum erit de ordine Principū & Gubernatorum. Si autem ingrediamur Tabulam, cum nomine Spiritus boni, tertij Ordinis, vel cum nomine mali Spiritus Gubernatoris, quocunque modo extracti, siue per hanc Tabulam, siue ex figura Cœlesti: nomina, quæ ex his procedunt, erunt malorum Dæmonum, ministrorum inferioris ordinis.

Illud autem sciendum, quòd quoties ingredimur Tabulā hanc cū Spiritibus bonis,

A 3 secund

1) lege aliorum

secundi ordinis, ipsa Nomina extracta, sunt secundi ordinis. Et si, sub illis, extrahimus nomen mali Spiritus, ipsum est de superiori Gubernatorum ordine. Idem est si ingredimur cum nomine Spiritus mali, superioris ordinis. Si verò ingredimur hanc Tabulam cum nominibus Spirituum tertij ordinis, siue Spirituum ministrorum, tam bonorum quàm malorū: nomina extracta, erunt Spirituum ministrorum inferioris ordinis.

Multi autem Magorum, viri non parvæ authoritatis, eiusmodi tabulas latinis literis extendere voluerunt: ita ut per easdem tabulas, etiā ex nomine Officij, vel effectus alicuius, nomen Spiritus tam boni, quàm mali, inueniatur, per eundem modum, qui supra traditus est: accepto nomine Officij vel effectus, in columna literarum, in sua linea, sub suo sidere. Et huius quidem grauis Author est Trismegistus: qui cū hanc calculationē Egyptiis literis tradiderit, nō ineptè etiam ad alias aliarum linguarum literas referri potest, ob rationes signis assignatas. Omnium siquidem, qui de nominibus Spirituum eliciendis, tractarūt, primus ille extitit. Vis ergo, atq; secretum, magisteriūq; quomodo

quomodo rectè ritèq; sacra Spirituum nomina eliciuntur, in vocalium dispositione consistit, quæ nomen spiritus efficiant, & quibus nomen rectū, ac ritè sonorum constitutatur. Hoc autem artificium ita perficitur, primò in locandis vocalibus illarum literarum, quæ per calculationē figuræ Coelestis inueniuntur, ad nomina spirituum secundi ordinis bonorum atq; malorum præsiditium & Gubernatorū elicienda erit aduertendum. Et hoc, in bonis, ita perficitur: consideratis stellis, quæ literas constituent, & in ordinē locatis, primò subtrahatur gradus vndecimæ domus, à gradu stellæ, quæ prior est in ordine: & quod inde remanet, proiciatur à gradu Ascendentis: Et vbi numerus ille desinit, ibi est pars vocalis primæ literæ. Incipe ergo ab illa proicere vocales illarum literarū, secundum suum numerum & ordinem: & quæ ceciderit in locū stellæ, quæ prior est in ordine, ea vocalis primæ literæ attribuitur. Deinceps inuenias partem secundæ literæ, subtrahendo gradum stellæ quæ secunda est in ordine, à stella priori: & quod remanet, proice ab Ascēdēte. Et hæc est pars, à qua incipias projectionē vocaliū:

A 4 & quæ

& quæ ceciderit supra secundā Stellam, ea est vocalis secundæ literæ. Et ita consequenter inuestigabis vocales sequentiū literarū, semper subtrahendo gradū stellæ sequētis, à gradu stellæ proximè præcedentis. Et omnes proiectiones, atq; numerationes, in nominibus bonorum Spirituū, fieri debēt, secundum successionē signorum. In nominibus verò malorū Spirituum, vbi, in bonis, sumitur Gradus vndecimæ Domus, in istis, sumatur gradus Duodecimæ Domus. Numerationes verò & proiectiones omnes
 1) fiant, cum signorum successionē, initium sumendo, à gradu decimæ Domus. In nominibus verò per tabulas extractis, alio modo vocales locantur. Primò enim accipitur numerus quotenarius literarū, nomen ipsum constituens, & sic numeratur, ab initio Columnæ primæ literæ, vel sub qua nomen extrahitur: & litera in quā inciderit hic numerus, refertur ad primā literam nominis extracti, accipiendo distantiam vnus ab altera, secundū ordinē Alphabeti. Et numerus illius distantie, proiicitur ab initio suæ Columnæ: & vbi definit, ibidē est pars privocalis. Ab illa ergo proiice vocales ipsas,
 suo

1) lege: contra signorum successionem,

ſuo numero & ordine, in eadē columna:& quæ ceciderit ſuper primam literam nominis, illa ſibi erit attribuēda. Sequētes autem vocales inuenies, accipiendo diſtantiā à præcedenti litera, ad ſequentem: & ſic conſequenter, ſecundum ſucceſſionem Alphabeti. Et Numerus diſtantiæ illius, numeratur ab initio ſuæ columnæ:& vbi ceciderit, ibi eſt pars vocalis quæſitæ. Ab illa ergo projice vocales, vt ſupra diximus, & quæ ceciderint ſupra ſuas literas eiſdem attribuantur. Si verò vocalis aliqua ſupra vocalem ceciderit, prior cedat poſteriori. Et hoc de Bonis duntaxat intellige. In malis autem, conſimili via procedas: niſi quod facias numerationes ordine contrario & reuerſo, contrâque ſucceſſionem Alphabeti, & contra ordinem Columnarum, videlicet aſcendendo.

Nomen Genij boni, vniuſcuiuſq; hominis, quod inuenire docuimus in libro tertio de Occulta philoſophia, ſecūdum illum modum, non paruæ autoritatis, nec modici eſt fundamēti. Sed nūc dabimus tibi quorūdam alios modos, non vanis innitētes rationibus. Et ex ijs vnus eſt, accipiēdo, in figura

A 5 natiuit

natiuitatis, quinq; loca Hylegiorum. Quibus notatis, proijciantur Characteres literarum suo ordine, & numero, ab initio Arietis: & quę literę ceciderint in Gradus dictorum locorum, secundum ordinem & dignitatem illorum, dispositę & combinatę, nomen Genij constituunt. Est alius modus: Accipiatur Almutel, hoc est stellę domina natrices, super dictis quinque locis: & fiat proiectio, a gradu Ascendentis, colligendo literas cadentes super Almutel, quibus, secundum dignitatē suā locatis in ordinem, *-tuitur.* nomen Genij constituunt. Est adhuc alius modus, ab Ægyptijs in obseruantia multum habitus: faciendo proiectionē, à gradu Ascendentis, colligendo literas, secundum Almutel vndecimę domus, quam domum, bonum Dæmonem vocant: quibus, secundum dignitatem suam locatis, Geniorum Nomina constituuntur. Malū verò Genium consimili ratione elicimus: præter quàm, quòd proiectiones fiunt contra ordinem & successionem signorū. Et vbi in bonis, proijcimus ab initio Arietis: in malo^{is} numeramus ab initio Librę. Vbi, in bono numeramus à gradu Ascēdētis: in malo proijcimus à gra

à gradu septimæ Domus. Secundum Ægyptios verò colligitur nomen Genij, secundum Almutel duodecimæ Domus, quam Malum Dæmonem vocant. Et omnes isti ritus, vnà cum alijs, qui in libro tertio de Occulta Plilosophia à nobis traditi sunt, per cuiuscūque linguæ Characteres, fieri possunt: cum istis omnibus (vt supra diximus) insit mysticus & Diuinus Numerus, Ordo, atque Figura. Vnde euenit, eundem Genium, diuersis nominibus posse vocari.

Alij verò, ex nomine ipsius spiritus, boni vel mali per Tabulas ad hoc formatas extrahuntur.

Characteres itaque Cœlestes, constant è lineis & Capitibus, Capita sunt sex, iuxta sex Stellarum Magnitudines. ad quas reducuntur etiam Planetæ: Prima magnitudo, cum Sole, Stellam tenet, vel Crucem. Secunda cum Ioue, punctum circularem. Tertia, cum Saturno, semicirculum Triangulum, siue vncum rotundum vel acutum. Quarta, cum Marte, virgulam penetrantem lineam, siue quadratum rectum vel obliquum. Quinta, cum Venere & Mercurio, Virgulam, siue punctum Caudatum, ascendens

scendentem vel descendētem. Sexta, cum luna, puncta denigrata. Quæ omnia, in sequenti Tabula, videre poteris. Positis itaq; Capitibus, secundum situm stellarum, in figura Cœli: tunc lineæ protrahendæ sunt, secundum naturarum cōuenientiam. Et hoc de stellis fixis intelliges. In Planetarum verò erectionibus, positis capitibus, secundum eorum in se inuicem Aspectum, & Antiscia, lineæ protrahantur.

	<i>Stelle</i>	<i>Capita</i>	<i>Linea Capitibus iunctæ.</i>
I.	☉	✱	+
II.	♃	☉	—
III.	♄	☿	—
IIII.	♂	♂	—
V.	♀	♂	—
VI.	☾	♂	—

Quando verò formandus est Character alicuius imaginis Cœlestis, ascedētis in aliquo gradu, vel facie signorum, qui ex stellis eiusdem

eiufdem magnitudinis & naturæ constant: runc pofito ftellarum illarum numero fecundum fuum fitum & ordinem, contrahantur lineæ, ad fimilitudinem imaginis fignificatæ, quàm copiofè id fieri poteft.

Caracteres verò, qui fecundum nomen fpiritus extrahuntur, componuntur per tabulam fequentem, dando vnicuique literæ nominis, id, quod fibi ex tabula congruit: quemadmodum intuenti facilè patet. Sed eft in hoc non modica difficultas, quando videlicet litera nominis ceciderit in lineam figurarum, vel literarũ, vt fciamus quæ figura, vel quæ litera fupẽda fit. Hoc autem ita cognofcetur. Nam fi, in literarum lineam, litera ceciderit confydera quota hæc litera fit in ordine Nominis, vt puta fecunda vel tertia, Deinde quot literas nomen ipfum complectitur, vt quinque vel ſẽptem: & multiplica hos numeros in fe inuicem, & productum triplica. Dende totum aggregatum proiice ab initio literarum, fecundum fucceffionem Alphabeti: & in quam literarum numerus ille ceciderit, hæc eft quæ poni debet in Caractere illius Spiritus. Si autem litera aliqua nominis in
lineam

lineam figurarum ceciderit, ita agendum erit. Accipiatnr numerus quota hæc litera est in ordine nominis, & multiplicetur per numerum, quota hæc litera est in ordine Alphabeti, & aggregatum diuidatur per nouem: residuum indicat figuram vel numerum in Caractere locandum. Potest enim poni, vel Figura Geometrica, vel figura Numeri Arithmetica, quæ tamen non debet Nouenarium, siue Nouem Angulos excedere.

Caracteres bonorum Spirituum.

Punctus Simplex,



Rotundus,



Stellatus



Linea recta Stans,



Iacens,



Obliquans



Linea curva Arcuata,



Vndosa,



Dentata



Interse

Intersectio recta Inhaerens, Adhaerens, Separata



Intersectio obliqua simplex, Mixta, Multiplex,



Perpēdiculū rectū dextrū, Sinistrū, Neutrum,



Figura Integra,

Diminuta,

Mediata,



Litera, Inhaerens,

Adhaerens,

Separata,



Caracte

De occulta Philosophia.
Caracteres malorum Spirituum.

Linea recta,



Curva,



Reflexa



Figura Simplex,



Penetrans:



Fracta



Litera Recta,



Retrograda,



Inversa



Flamma,



Ventus:



Fluvius



Massa,



Pluvia.



Lutum.



Volatile,



Reptile,



Serpens.



Oculus,

Oculus,



Manus,



Pes.



Corona,



Christa,



Cornua



Sceptrum,



Gladus,



Flagrum.



Caracteres verò, qui, per spirituum re-
velationem accipiuntur, exinde virtutem
habent: quia ipsi sunt signacula quædam
latentia Diuinitatis alicuius harmoniam
constituentia: aut sunt signa initi fœderis,
& promissæ fidei, seu obedientiæ, & ij Ca-
racteres nulla alia ratione possunt indagari.

Adhuc vltra Caracteres, sunt Malorum
Spirituum familiares quædam figuræ, &
Imagines, sub quarum forma inuocantibus
occurrere, & comparere solent. Hæ autem
Imagines inueniuntur per tabulam sequen-
tem, secundum rationem literarum con-
stituent

B

stituentium nomen ipsius Spiritus. Ita ut si qua litera in Nomine ipsius Spiritus pluries habetur, illius imago tenet Principatum: cætera suo modo, commiscendo. Ita ut quæ priores sunt ordine, iis superior pars corporis, & Caput, secundum suam figuram tribuatur: quæ verò postremæ, pedes & crura occupent. Sic mediæ literæ, mediæ Corporis parti aliquid sibi simile tribuant, vel sessorem dent. Si verò aliqua acciderit contrarietas, quæ litera potior est numero, vincet. Si verò æquales res, commiscebuntur. Præterea si idem Nomen, ex tabula Carácterum, insigne vel instrumentum aliquod obtinuerit, id ipsum etiam obtinebit in imagine.

Cognoscere autem Dignitates malorum Spirituum, per easdem tabulas Carácterum & imaginum, poterimus. Nam cuicumque spirituum, ex tabula Carácterum, acciderit insigne aliquod, vel instrumentum, ipse dignitatem possidet. Quod si fuerit Corona, Dignitatem indicat Regiam, si Crista, Ducatum: si Cornua, Comitatum, si absque iis, Sceptrum, Gladius, Bidentis, præfecturam indicat, similiter ex tabula

bula imaginum inuenies, qui Regiam Dignitatem præ se ferant. Ex corona dignitatem, ex instrumentis, Præfecturam iudicæ. Denique qui humana figura pollent, digniores sunt iis, qui sub bestiarum imaginibus occurrunt, ipsi præterea æquites, præcellunt pedites: & secundum omnium illorum commixtionum dignitates, præcellentiam spirituum iudicabis. Illud tamen scias, Spiritus inferioris ordinis, cuiuscunque Dignitatis fuerint semper spiritibus sublimioris ordinis subesse. Et ita non est inconueniens, Reges atq; Duces, subesse & ministrare Præsidibus sublimioris ordinis.

Formæ familiares Spiritibus Saturni.

†



APPARENT vt plurimum longo & gracili corpore, vultu iracundo, facies quatuor habentes, vnam in occipitio, alteram in sincipitio, & vtraique rostratas. In vtroque genu apparent etiam facies. Sunt coloris nigri, &

B 2 perlu

perlucidi. Motus eorum est, ventorum agi-
tatio, cum speciei terræ motus. Signum eo-
rū est, terra Alba, qualibet niue candidior.

Formæ autem particulares sunt.

Rex Barbatus, Draconem equitans.

Senex Barbatus.

Mulier vetula, baculo innixa.

Porcus.

Draco.

Bubo.

Vestis nigra.

Falx.

Iuniperus.

Formæ familiares Spiriti- bus Iouis.

¶



PARENT corpore sanguineo
& colerico, mediæ staturæ, hor-
ribili motu, visu mitissimo, blan-
docolloquio, colore ferrugineo.
Motus eorū, est Coruscatio, cum Tonitru.
signum eorum, apparebūt iuxta circulum,
homines, qui, in specie, à Leonibus deuo-
rabuntur. Formæ autem particulares sunt.
Rex gladio euaginato Cernuum equitans.

Homo

Homo mitratus, longo vestitu.

Puella, cum Laureā corona, ornata floribus.

Taurus.

Cervus.

Pauo.

Azurina vestis.

Gladius.

Buxus.

Formæ familiares Spiritibus Martis.



APPAREBUNT longo corpore, colerico, & aspectu turpissimo: colore subfusco, & quasi ruffo: cornibus ferè Ceruinis, & vnguibus Griphi, mugiunt instar Tauro-
rum insanorum, Motus eorum fit quasi instar ignis comburentis. Signum afferent in specie, fulgur & Tonitru iuxta circulum.

Formæ autem particulares sunt,

Rex armatus, Lupum equitans.

Vir armatus.

Mulier clypeum in femore tenens.

Hircus.

Equus.

B 3 Cervus

*Coruus.**Rubra vestis.**Lana.**Multiceps.**Formæ familiares Spiritibus Solis.*

PARENT vt plurimum amplo & magno corpore, sanguineo, & crasso: aureo colore, super tincto sanguine. Motus eorum est, Cæli coruscatio: & signum eorum, est commouere sudorem inuocanti. Formæ autem particulares sunt.

*Rex, habens sceptrum Leonem equitans.**Rex coronatus.**Regina, cum scepro.**Avis.**Leo.**Gallus.**Vestis crocea, vel aurea,**Sceptrum.**Caudatus.*

Formæ

Formæ familiares Spiritibus Veneris.

♀



P P A R E N T corpore pulchro, mediæ staturæ, amabili, & iucundo aspectu, colore albo, vel viridi, de super aurato. Motus eorū, est sicut stella clarissima. Pro eorum signo, videbuntur, extra circulum, Puellæ ludentes, quæ inuocantem ad ludum concitabunt. Formæ autem particulares sunt.

Rex, cum sceptro, Camelum equitans.

Puella pulchrè vestita.

Puella nuda.

Capra.

Camelus.

Columba.

Vestis alba, vel viridis.

Flores.

Sabina herba.

Formæ familiares Spiritibus Mercurij.

♂

A P P A R E B U N T vt plurimum corpore mediæ staturæ, frigido, humido, pulchro,

B 4 affab

affabili eloquio, forma humana, instar militis armati, colore perlucido. Motus eorum, est sicut nubes argentea. Pro signo, horrorem inferunt inuocanti. Formæ autem particulares sunt.

Rex vrsus equitans.

Adolescens pulcher.

Mulier colum tenens.

Canis.

Vrsa.

Pica.

Vestis versicolor.

Virga.

Baculus.

Formæ familiares Spiritibus Luna.

⌒

APPAREBUNT vt plurimum magno corpore, amplo, molli, & phlegmatico: colore instar nubis obscuræ & tenebrosæ, vultu tumido, oculis rubeis, & aqua plenis, capite caluo, dentibus aprinis. Motus eorum, sicut ingens Maris procella. Pro eorum signo, apparebit ingens pluuiæ iuxta circulum. Formæ autem

autem particulares sunt,

Rex sagittarius Damam equitans.

Parvulus puer.

Mulier venatrix, cum Arcu & sagitta.

Vacca.

Damula.

Anser.

Vestis viridis, vel argentea.

Sagitta.

Multipes.

Cæterum de sacris Pentaculis, atque signaculis nunc dicamus. Sunt autem ipsa Pentacula tanquam signa quædam sacra, à malis euentibus nos præseruantia: & ad malorum Dæmonum constrictionem, & exterminationem, nos adiuuantia, bonosque spiritus allicientia, nobisque concilian-
tia. Constant autem Pentacula, ex Carac-
teribus & Nominibus bonorū spirituum superioris ordinis, vel ex sacris picturis, sacrarum literarum, seu reuelationum: versiculis adaptis, vel ex figuris Geometricis, sacrisque Dei Nominibus, secundum multorum rationem, inuicem compositis: vel ex omnibus ijs, aut eorum pluribus mixtum compositis. Carac-
teres autem, qui ad

Pentacula constituenda nobis vtilis sunt, ipsi sunt Characteres bonorum spirituum, maximè bonorum, primi & secundi ordinis, nonnunquam etiam Tertij, & ex illo Characterum genere, quod potissimè sacrum nuncupatur: deinde Characteres illi, quos supra sacratos vocauimus. Quocunque igitur huiusmodi Caractere instituto, circunducemus illum duplici circulo: in quo circumscribamus nomen sui Angeli. Et si volumus sibi addere nomen aliquod Diuinum, spiritui ipsi, suoque officio congruum, maioris erit efficacix. Et si, secundum numerorum rationem, circunducere illi volumus Angularem aliquam figuram, id quoque fieri licebit. Sacrae autem Picturae, quae Pentacula constituunt, ipsae sunt, quae passim in sacris literis & Prophetis, tam veteris, quam Noui Testamenti traduntur: vtpote figura serpentis in cruce suspensi, & consimiles, quarum multa copia ex Prophetarum visionibus, vt Isaia, Danielis, Esdrae, & aliorum, tum ex reuelatione Apocalypsis inueniuntur: & nos de illis locuti sumus, in Libro Tertio occultae Philosophiae, vbi de sacris mentionem fecimus.

Posita

Posita itaque aliqua huiusmodi sacrarum imaginum pictura, circundetur duplici circulo, cui inscribatur Nomen aliquod Diuinum, ipsi figuræ effectuique aptatum, & conforme: vel circunscribatur illi versiculus, ex parte corporis sacræ scripturæ sumptus, qui desideratum effectum polliceatur, vel deprecetur. Vt puta, si fiat pentaculum ad victoriam & vindictam, contra inimicos, tam visibiles, quàm inuisibiles, Figura sumi potest ex secundo libro Machabeorum: videlicet, Manus tenens aureum Ensem euaginatam, cui circunscribatur versiculus ibidem contentus: scilicet, *Accipe Gladium sanctum, munus à Deo, in quo concides aduersarios Populi mei Israël.* Vel etiam circunscribatur ei versiculus psalmi quinti: *In hoc fortitudo brachij tui, ante faciem tuam, ibi Mors.* Vel aliquis alius consimilis versiculus. Si verò Nomē Diuinum illi circunscribere libuerit, accipiat Nomen aliquod significans Timorem, Gladium, iram, vindictam Dei: vel aliquod simile nomen desiderato effectui congruum. Et si figuram Angularem conscribere libuerit, accipiat, secundum numerorum rationem sicut docui

docuimus in libro secundo occultæ Philosophiæ, vbi de numeris egimus. Et ita de similibus operibus. Et ex hoc genere sunt duo pentacula sublimis virtutis & magnæ potentix, & ad consecrationem Experimentorum, ac spirituum perutilia, & necessaria. Ex ijs vnum est, quod habetur Apocalypsis Capite primo: scilicet figura maiestatis Dei, sedentis in Throno, habentis in ore gladium bis acutum, vt ibi habetur. Cui circumscribatur, *Ego sum alpha & ω, principium & finis, qui est, qui erat, & qui venturus est. Omnipotens. Ego sum primus, & nouissimus, viuus, & fui mortuus: & ecce sum viuens in secula seculorum. & habeo clauēs Mortis, & Inferni.* Deinde circumscribantur hi tres versiculi: *Manda Deus virtutis tue, Confirma hoc Deus, quod operatus es in nobis. Fiant tanquam puluis à facie venti, & Angelus Domini coartans eos: Fiant vie illorum, Tenebræ, ac lubricum, & Angelus Domini persequens eos.* Præterea circumscribantur ei decem nomina generalia, quæ sunt: *El, Elohim, Elohe, Zebaoth, Elion, Escerehie, Adonay, Iah, Tetragrammaton, Sady.* Alterum est Pentaculum, cuius figura est Agnus similis occiso, cuius cornua & oculi septem, & sub pedibus

bus liber, septem sigillis obsignatus: sicut habetur Apocalypsis quinto capite. Cui circumscribatur versiculus iste, *Ecce venit Leo de Tribu iuda, Radix David. Aperiam librum, & solvam septem signacula eius.* Et alter versiculus: *Vidi Satanam, sicut fulgur de Cælo cadentem. Ecce dedi vobis potestatem calcandi super serpentes, & scorpiones, & super omnem virtutem Inimici, & nihil vobis nocebit.* Et circumscribantur ei decem nomina generalia, vt supra.

Quæ vero Pentacula constituuntur ex figuris & nominibus, hunc ordinem obseruant. Nam posita aliqua figura conformi alicui numero, ad aliquem certum effectum, siue virtutem: inscribatur illi in singulis Angulis nomen aliquod Diuinum, desideratæ rei vim obtinens: ita tamen quòd huiusmodi Nomen totidem sit literarum, quantum numerum figura constituat: aut quòd literæ nominis, in se collatæ, figuræ numerum constituent: vel numerum aliquem qui per numerum figuræ, sine aliqua superfluitate, vel diminutione secari possit. Tale enim nomen inuentum, vnum, vel plura, vel diuersa, in singulis Angulis figuræ inscribatur. In medio verò figuræ, ipsius nominis,

nominis , reuolutio tota, vel ſaltem principalis collocetur.

Sæpe etiam pentacula conſtituimus, facta reuolutione aliqua alicuius nominis , in Tabella quadrata , circulo ſimplici circumducto, vel duplici : inſcribendo verſiculum aliquem ſacrum , nomini huic competentem : vel ex quo hoc nomen extractum ſit. Et hæc eſt ratio Pentaculorum , ſecundum eius modos diſtinctos: quam, pro libito, ad maiorem efficaciã, & virtutis intentionem extensionemque, poſſumus in ſe inuicem, cum alijs multiplicare & commiſcere. Vt, ſi fiat deprecatio pro deſtructione inimicorum , recordemur quomodo Deus deſtruxerit faciem terræ in diluuiſo aquarum: Sodomam & Gomorram , per pluuiam ſulphuris & ignis: exercitū Pharaonis, in Mari rubro : & ſi quæ alia maledictio in ſacris literis reperitur , et ſic de ſimilibus. Ita deprecando contra pericula Aquarum, recordemur ſalutis Noë, in Diluuiſo : Tranſitus filiorum Iſraël , in mari rubro: & meminerimus Chriſtum , ſiccis pedibus , ambulante ſuper Aquas: & eundem ſeruante nauiculam periclitantem , ventis que , & fluctibus

bus,imperasse:& Petrū mergentem,edux-
isse ex aquis:& sic de similibus. Denique,
cum ijs,inuocamus sacra quædam nomina
Dei, ea videlicet, quæ desiderij nostri sunt
significatiua, & ad effectum optatum ac-
commodata,vt,ad destructionem inimico-
rum, inuocamus nomina iræ, vindictæ, ti-
moris,iustitiæ, & fortitudinis Dei. Ad eui-
tandum verò aliquod malum, vel pericu-
lum,inuocamus nomina misericordiæ,De-
fensionis,salutis,fortitudinis, bonitatis, &
similia Dei nomina. Quandoque etiam
Deum precamur largiri nobis, ad id quod
desideramus,executorem aliquem spiri-
tum bonum, vnum vel plures, quorum,
id quod desideramus, officium est, illius
nomen interferentes. Sæpe etiam malum
spiritum aliquem ad homines cogendos,
obtestamur, cuius nomen similiter inferi-
mus:& hoc iusté,si ad malum tendit opera-
tio,vt ad vindictam,pœnam,vel destructio-
nem. Præterea, si quis versiculus in psalmis
vel aliqua parte sacrarum literarum, desi-
derio nostro congruus habetur, illum ora-
tionibus nostris inferimus, facta autem ora-
tione ad Deum, quandoque, post ipsam,
conue

conuenit facere orationē ad executorem illum,quem nobis ministraturum , optauimus,in oratione præcedenti : siue vnus sit, siue plures , siue Angelus , siue Stella, siue Anima,siue ex Heroibus. Talis autem oratio componi debet secūdum regulas traditas , per nos , in libro secundo de occulta Philosophia,vbi de componendis incantamenti tractauimus.

Scias itaque vincula huiusmodi , esse in triplici differentia,Nam primum vinculum est , quando coniuramus per res naturales. Secundum componitur ex mysterijs Religionis,per sacramenta,Miracula , & huiusmodi. Tertium constituitur per Diuina nomina,sacræque signacula.Et per huiusmodi vincula,non modo spiritum, sed etiam alias quasunque creaturas ligamus:vt animalia, Tempestates,Incendia,Diluuiæ Aquarum, & vim Armorū. Sæpe etiā vtimur predictis vinculis,non solū per modū coniurationis: sed etiam per modum deprecationis, & benedictionis. Præterea ad huiusmodi, multum cōducit cōiungere, si qua ex sacris literis reperiuntur ad hoc accōmodata. Vt puta,in cōiuratione Serpentum,commemorando

rando maledictionem Serpentis , in Paradiso Terrestri , erectionem Serpentis , in deserto. Præterea versiculum illum, Super Aspidē & Basiliscum ambulabis, &c. Superstitio etiam in iis plurimū pollet: per transationem alicuius ritus sacramentalis , ad id quod ligare , vel impedire intendimus, vtputa, ritus excommunicationis, sepulturæ, exequiarum, & huiusmodi.

Couuenit autem vt tractemus de consecratione, quæ fit per hominem, ad singulas res , & instrumenta , huic Arti necessaria. Et huius virtus duobus potissimū perficitur: videlicet virtute ipsius personæ Consecrantis, & virtute ipsius orationis, per quam fit Consecratio. Nam in persona, requiritur vitæ sanctimonia , & sanctificandi potestas: quæ vtraque, per Dignificationē , & initiationem acquiruntur. Deinde, quod ipsa persona hanc virtutem & potestatem, firma & indubia fide, in seipsa cognoscat. Ex parte autem ipsius orationis, per quā fit consecratio , requiritur consimilis sanctimonia: quæ, vel per se, inest ipsi orationi, vt si sit Diuinitus ad hoc ordinata, quales habemus in plerisque sacris Bibliorum eloquiis: vel

C quod

quod sit, virtute spiritus sancti, ex ordinatione Ecclesiæ, ad hoc instituta. Aut inest sanctimonia orationi, non per se, sed per commemorationem rerum sacrarum, ut puta, sacrarum literarum, historiarum, operum, miraculorum, effectuum, gratiarum, Promissionum, sacramentorum, rerumque sacramentalium, & consimilium, quæ rei consecranda, propriè, vel impropriè, per similitudinem aliquam, attingere videbuntur: adhibita etiam sacrorum, Diuinorumque nominum inuocatione, cum sacrorum signaculorum consignatione, & huiusmodi, quæ ad sanctificationem, & expiationem conferunt, ut sunt Aquæ Benedictæ insperfusiones, sacri olei inunctiones, odoriferaë suffumigationes, ad cultum religiosum adhibitæ. Atque inde est, quod in omni consecratione, præcedunt Benedictiones & consecrationes Aquæ, Olei, Ignis, & Fumigiorum: adhibitis undique Cereis, vel Lampadibus benedictis lucentibus: Nam sine lumine, nullum sacramentum, ritè perficitur. Illud etiam sciendum est, & firmiter observandum, quod si res consecranda sit ex rebus profanioribus, in quas potuit incidisse aliq

se aliqua coinquinatio: tunc earum rerum: exorcisatio atque expiatio, præcedere debet consecrationē. Quæ res, tanquam virgines effectæ, aptiores sunt, ad suscipiendos Diuinarum virtutum influxus. Obseruandum etiam est, quòd in fine cuiuscunque consecrationis, post Orationem debitè prolatam, debet ipse Consecrās, per verba de præsentī, in virtute & potestate Diuina, rem ipsam consecrandam, inhalando benedicere, cùm commemoratione virtutis atque authoritatis suæ: prout illud magis ritè, intentòq; animo fieri poterit. Horum itaque nunc tibi exempla quædā ponemus: per quæ facilè tibi patebit via ad totam hanc considerationem. Sic in consecratione Aquæ, commemoramus, quomodo Deus locauerit firmamentum, in medio Aquarum: quomodo, in Paradiso Terrestri, locauit fontem aquarum, ex quo, per quatuor Humina sacra, rigatur vniuersus orbis terrarum: Item, quomodo fecit aquas, iustitiæ suæ instrumentum, in destructione Gigantum, per diluuium generale super omnem Terram: & in destructionem exercitus Pharaonis, in Mari rubro: item, quo-

modo eduxit populum suum , siccis pedibus, per mediū Maris, & per medium Iordanis : & quomodo miraculosè eduxit aquam, de Petra, in deserto , & eduxit fontem Aquæ viuæ à dente molari Maxillæ asini , ad præces Samsonis : Item quomodo posuit aquas, instrumentum misericordiæ suæ , atque salutis, in expiationem peccati originalis : item, quomodo Christus baptizatus est , in Iordane: qui, per hoc, munda-uit, & sanctificauit aquas. Inuocanda insuper sunt Diuina nomina, ad hoc cōformia: vtputa, quòd Deus sit Fons Viuus, Aqua viua, Flumen misericordiæ, & huiusmodi. Sic, in consecratione ignis, commemoramus, quomodo Deus creauit Ignem iustitiæ suæ instrumentum, in pœnā, vindictam, & expiationem peccatorum: item, quomodo iudicaturus mundum, ignis conflagrationem præcedere iubebit : Item, quomodo Deus apparuit Moysi, in Rubo ignis ardentis: Item quomodo præcessit filiis Israël, in columna Ignis: & quomodo. ritè offerri, sacrificari, & sanctificari nihil potest , sine Igne : Item, quomodo instituit ignem inextinguibilem conseruandum in tabernaculo fœderis: & eundem

eundem extinctum, miraculosè reaccendit: & aliunde, sub aquis latentem, inextinctum conseruauit, & huiusmodi consimilia. Inuocentur itaque Nomina Dei, ad hoc conformia: sicut legitur in lege, & Prophetis: Quia Deus, ignis consumens est: & si quod est Nomen, ex Diuinis Nominibus, quod ignem sonet: aut nomina consimilia, vt, splendor Dei, Lux Dei, Lumen Dei. Sic, in Consecratione Olei, & fumigiorum, commemoramus sacra, ad hoc pertinentia quæ legimus apud Exodum, de Oleo unctionis & nomina Diuina, ad hæc cōformia, quale est Nomen Christus, quod unctum sonat. Et si quid huiusmodi in Mysteriis est: Quale illud Apocalypsis, de duabus Oliuis stillantibus oleum sanctum, in lampades, ardentes ante faciem Dei: & huiusmodi. Benedictio verò Luminis, & Cercorum, & Lampadum ab igne desumitur, & Ara illa, quæ flammæ fomitem immiserat, & si quid similiū in Mysteriis est, vt illud, de septem Candelabris & Lampadibus ardentibus, ante faciem Dei. Hæ igitur sunt consecrationes, quæ in primis, in omni sanctificatione, necessariae sunt, atque præcedere debent:

bent: sine quibus, nihil in sacris debitè perficitur.

Post istas itaque, ostendemus tibi consecrationes locorū, instrumentorum, & consimilium. Consecraturus igitur locum aliquem, siue Circulum, transumere poteris. orationē Salomonis, in dedicatione Templi. Præterea Benedices locum, cū asperſione Aquæ Benedictæ, & fumigatione: cōmemorādo, in Benedictione, mysteria: qualia sunt sanctificatio Throni Dei, Montis Synay, Tabernaculi fœderis, sancti sanctorum, Templi Ierusalem. Item, sanctificationem Collis Golgotha, per crucifixionem Christi: sanctificationem sepulchri Christi: Item, montis Thabor, per transfigurationem, & ascensionem Christi: & huiusmodi. Inuocando nomina Diuina, ad hæc conformia: vt locus Dei, Thronus Dei, Cathedra Dei, Tabernaculum Dei, Ara Dei, Habitatulum Dei: & huiusmodi Diuina Nomina, quæ Circulo, vel loco consecrato scribendo, occurrunt.

In consecrationibus verò instrumentorum, & quarumcunque rerum Arti deservientium, simili via procedas: aspergendo

quod

illa

illa Aqua Benedicta, & fumigando fumigio
sacrato, vngendo Oleo sancto, consignando
aliquo signaculo sacro, Benedicendo, cum
Oratione, sacra commemorando, ex sacris
litteris, & Religione, & Diuinis nominibus,
quæ rei consecrandæ conformia videbun-
tur. Vt exempli gratia, in consecrando Gla-
dio, commemoremus illud Euangelij: *Qui
habet duas tunicas, &c.* Et quod habetur Ma-
chabeorum secundo: quod Iudæ Macha-
beo, Diuinitus & Miraculosè missus est
Gladius: & si quid consimile est in Prophe-
tis: vt illud: *Accipite vobis Gladios bis acutos.*

Consimili via consecrabis experimen-
ta, & libros, & quicquid consimile est, in
scripturis, picturis, & huiusmodi: aspergen-
do, fumigando, inungendo, signando, &
benedicendo cōmemorationibus sanctis,
commemorando sanctificationes ex My-
steriis: vt, sanctificatio Tabularum decem
Præceptorum, quæ datæ sunt Mosi, à Deo,
in monte Synay: Item, sanctificationē te-
stamenti Dei, Veteris & Noui: sanctificatio-
nem Legis, Prophetarum & Scripturarum,
quæ per Spiritum sanctū, promulgatæ sunt.
Commemoventur præterea, nomina Di-

uina, ad hæc conformia: vt sunt, Testamentum Dei, Liber Dei, Liber vitæ, sciëntiæ Dei, sapientiæ Dei, & huiusmodi. Consimili ritu, & personalis consecratio perficitur.

Sed est adhuc alius Consecrationis ritus, mirificè potens, & multæ efficacix, & hic è generibus superstitionum est: Quando videlicet, ritus consecrationis, vel collationis alicuius sacramenti, in Ecclesia, transfertur ad illam rem, quàm consecrare volumus: vt puta, transferendo ritum Baptismi, & huiusmodi.

Sciendum etiam, quòd votum, oblatio, & sacrificium, vim Consecrationis habent, tam realis, quàm personalis: & sunt tanquam pacta quædam & conuentiones, inter Nomina illa, quibus fiunt, & nos, qui ea facimus, fortiter inhærentia, ad desiderium & optatum effectum: vt puta, quando res nostras, vt fumigia, vnctiones, annulos, imagines, Specula, & ea quæ minus materiæ participant, vt Numina, Signacula, Pentacula, Incantamenta, Orationes, picturas, scripturas, certis Numinibus deuouemus, offerimus, & sacrificamus: quemadmodum de iis latius dictum est, in libro
 tertio

tertio de occulta Philosophia.

Extat apud Magos eos, qui malorum Demonum ministerio plurimum vtuntur, ritus quidam inuocandi Spiritus, per Librum antè consecratum: qui rectius Liber Spirituum dicitur. De eo nūc pauca dicēda sunt. Est enim liber hic consecratus, Malorum Spirituum liber, suo Nomine & modo ritè compositus: cui Spiritus in scripti, præsētantaneam obedientiam, sacro quodam suo iuramento, deuouerunt. Hic itaque liber fit ex charta mundissima, quæ nondum in vñ aliquo habita est: plurimi virgineam Chartam vocant. Inscribitur autem liber hoc modo, vt à sinistris, locetur Imago spiritus: à dextris verò caracter ipsius, cum iuramento, de super scripto, continente nomen spiritus, & dignitatem ac locum, cum officio, & potestate. Plures autem hunc librum aliter componunt, vel Characteres, vel Imaginem omit- tentes. Efficacius tamen est, nihil eorum, que conducere possunt, neglexisse. Obser- uantur præterea circumstantiæ locorum, temporum, horarum, secundum quod stellis ipsis, quibus spiritus ij vel illi subsunt,

congruere videntur , adhibito situ , ritu , & ordine. Qui libellus, ita descriptus, & bene religatus , suis registris & signaculis distributum ornetur: & conseruetur: ne aliquando, in periculum operantis, contingat ipsum post consecrationem, in loco aliquo , extra propositum aperire. Conseruandus præterea erit quàm reuerenter poterit: nam irreuerentia animi , pollutione , & prophana-tione, virtutem suam amitteret.

Composito itaque sacro libello , secundum modum iam traditum, duplici via , ad consecrationem ipsius proceditur. Quorum vna est , vt , conuocatis illis singulis & omnibus Spiritibus, qui libro inscripti sunt, ad circulum, secundum ritum & modum, quem infra docebimus , locetur libellus consecrandus extra circulum , in Triangulo. Et primò legantur , in præsentia Spirituum , omnia iuramenta libello inscripta. Deinde locetur libellus consecrandus extra circulum in Triangulo , ibidem descripto: coganturque Spiritus omnes & singuli, vbi eorum imagines characteresque depicti sunt , manus imponere , ipsumque speciali

ciali ac communi iuramento , confirmare
& consecrare. Quo factò, libellus reclusus
recipiatur & obseruetur , vt supra diximus:
Spititúsque, secundum ritum debitum , li-
centientur. Alia est via consecrandi librum
Spirituum , faciliior quidem, & multæ effi-
caciæ , ad omnem effectum: nisi quod in
apertione huius libri , Spiritus non sem-
per veniūt in aspectum. Hic itaque modus
talis est. Fiat liber Spirituum , vt supra de-
scripsimus: sed in fine ipsius , scribantur in-
uocationes & vincula , coniurationesque
fortissimæ , quibus Spiritus quicunque li-
gari possunt. Deinde colligatur liber iste
inter duas tabulas, siue laminas, quibus, in-
trinssecus , inscripta sint sacra Pentacula
maiestatis Diuinæ , quæ superius ex Apo-
calypsi descripsimus: quorum primum, po-
natur in principio libri , secundum , ad fi-
nem ipsius. Hoc modo perfectò libro, tem-
pore claro & sereno , ante noctis medium
ad feratur libellus ad circulum , in Triuiio,
secundum artem, quam inferius trademus,
& ibi, primùm aperto libello , consecretur,
secundum ritum & modum , quem supra
diximus , de consecratione. Quo factò, in-
uocent

uocentur singuli spiritus libello inscripti, suo modo & situ : coniurando ter per vincula in libro descripta, vt veniant ad locum illum, intra triduum, præstare obedientiam & illam firmare dicto libello consecrato. Tunc inuoluto libello, in linteo mundo, sepeliatur in medio circuli ibique occludatur. Et tunc destructo Circulo, absque quòd licencientur spiritus, recedatur ante ortum solis. Die verò Tertia, circiter mediam noctem, reuertatur, reformetque circulum : & genibus flexis, facta Oratione & gratiarum actione ad Deum, & formato fumigio precioso, discooperiatur fouea : accipiatúrque libellus, non aperiendo ipsum, & seruetur. Tunc licenciatis spiritibus, suo modo, destructoque circulo, antequam sol ascendat, recedatur. Et hic vltimus consecrandi ritus, vtilis est ad quæcunque scripta & experimenta, que ad spiritus diriguntur : locando ipsum, inter duas laminas sacras Pentaculorum, vt supra ostensum est.

Operaturus autem, per librum consecratum, id faciat tempore claro & sereno, spiritibusq; minimè molesto : situsque sit versus spiritus regionem. Tunc aperiatur, sub
registr

registro debito : inuocetúrque spiritus, per iuramentum suum ibidem descriptum , & confirmatum: pérque nomen Characteris, & imaginis, ad id quod cupis. Et , si opus erit; coniura ipsum per vincula , in fine libelli posita: obtentóque desiderato effectú , spiritum licenciabis.

Nunc de inuocatione spirituum tam bonorum , quàm malorum videamus. Boni spiritus diuersimodè à nobis inuocantur, diuersimodéque nobis occurrunt. Nam vigilantibus, apertè loquuntur , seu nostro conspectui se offerunt : vel, in somnis, nos, per oraculum , de petitis informant. Quicumque igitur bonum spiritum ad colloquium conspectúmque inuocare voluerit, duo potissimũ obseruare oportebit. Quorum vnum est circa dispositionem inuocantis : alterum , circa ea , quæ extrinsecus adhibentur inuocationi, pro conformitate spiritus inuocandi. Oportet itaque inuocantem ipsum, iam per multos dies, ad tantum Mysterium , religiosè dispositum esse. In primis videlicet confessum & contritum intrinsecè & extrinsecè oportet , rectéque expiatum , quotidie abluendo se Aqua Benedicta

nedicta. Præterea inuocantem, se, per totos hos dies, conseruare castum, abstinentem, animo omnino imperturbato, & a quibúsque exteris secularibúsque negocijs, quantum fieri poterit, segregatum. Ieiunia quoque per hos dies obseruabit, secundum quod sibi videbitur posse fieri. Quotidie etiam ab oriẽte sole, vsque in occasum, in loco inuocationis, vestitus veste sacra, & Linea, septies, cum interpellatione, faciat ad Deum & Angelos inuocandos, de precationem, secundum eum quem antè docuimus, modum. Numerus verò dierum parasceues & preparationis, est communiter. lunationis integræ. Alius verò numerus, seruatus apud Cabalistas, est dierum Quadraginta.

Circa autem ea, que accedunt ad hunc inuocandi ritum, primum est, vt eligatur locus mundus, castus, occlusus, quietus, semotúsque ab omni strepitu, nullis alienis aspectibus subiectus. Hic primò exorcisandus est, atque consecrandus: atque in eo locetur mensa siue Ara, tecta linteo albo, mundo, ad Orientem sita: & in ea, ab vtraque parte sint duo Cereæ consecrata, ardentia

dentia, quarum flamma, per totos hos dies, non sit defectura. In medio Aræ, collocetur lamina, siue charta sacra, quam, inferius describemus, obiecta sindone, vel, linteo mundo: quæ usque in finem illorum dierum, non discooperiatur. Paratum quoque habebis preciosum fumigium, & oleum unctionis, purum. Vtraque consecrata feruentur. Thuribulum quoque in capite Altaris situm: quo accenso: & benedicto igne, fumigabis, per singulos dies, quoties oraueris. Habebis etiam vestem longuam è lino candido, antè & retrò clausam, quæ totum corpus & pedes cooperiat, quam cingulo simili præcingas. Vittam etiam acutam, Mitræ consimilem, ex lino mundo habebis: in cuius anteriori partæ, infixa sit lamina aurea, vel aurata, cum inscriptione nominis Tetragrammaton. Quæ omnia, suo modo, benedicta & consecrata sint. Ingressurus autem locum sacrum, non nisi prius ablutus, vestituque sacro indutus, nudisque pedibus, ingrediaris. Ingressus verò, aspergaris aqua benedicta: Deinde fumigabis super Aram, post, flexis genibus ante Aram, adorabis vt diximus. Finitis
veró

verò his diebus, vltima die strictius ieiunabis : diéque sequenti , ieiunus, in ortu solis, ingrediaris locum sanctum , cum ritu iamdicto: prius aspergēdo te, deinde fumigando, consignabis te Oleo sancto in fronte:& inungendo oculos tuos, omnia hæc consecrata , quadam imprecatione peragendo. Deinde discooperias sacram laminam : & flexis genibus ante Aram , adora, vt supra: factaque inuocatione Angelica , apparebunt tibi, quos optas, quos, benigno castoque colloquio susceptos, licenciabis.

Laminam verò ipsam , ad bonum aliquem spiritum inuocandum , hac ratione conficies , vel in metallo conformi , vel in Cera noua , cum speciebus & Coloribus conformibus , permixta: vel fiat in charta munda , cum coloribus conuenientibus. Figura autem ipsius exterior , sit quadrata, circularis, vel triangularis , siue huiusmodi, secundum numerorū rationem : in qua inscribantur Diuina nomina , tam generalia, quàm specialia. In centro verò laminæ, Exagonus describatur : in cuius medio, inscribatur nomen & Character stellæ vel spiritus dominatoris illius , cui inuocandus
bonus

bonus Spiritus subest. Circa hunc exagonum, locentur tot Pentagoni, quot Spiritus pariter vnà conuocamus. Et si solum vnum inuocauerimus, nihilominus quatuor Pentagoni depingātur, quibus nomen Spiritus siue Spirituum, cū suis Characteribus, inscribatur. Debet autem componi hæc Tabula, Luna crescente, diebus & horis, quæ tunc Spiritui conueniunt. Et si, cum hoc, stellam fortunatam susceperimus, melius erit. Quæ Tabula, in hunc modum facta, consecretur, iuxta Regulam suprâ traditam. Et hæc est Tabula generalis, suo modo, ad inuocationem quorumcunque bonorum Spirituum. Speciales nihilominus, Tabulas fabricare possumus, Spiritui cuiusque congruas, per modum, quem de sacris Pentaculis supra diximus.

Nunc alium ritum & faciliorem tibi narrabimus, ad hanc rem, videlicet: Sit homo, qui oraculum aliquod à bonis Spiritibus suscepturus est, castus, mundus, & confusus. Tunc habito loco mundo & nitido, albis Linteis circumquaque contexto, in die Dominica, Luna Noua, ingrediatur locum illum, albis & mundis vestibus indutus, &

D exorc

exorcizet locum, & benedicat: faciátque, in eo, Circulum, cum Carbone Benedicto: scribátque, in extremo circulo, Angelorum Nomina. In interiori verò, scribantur excelsa Dei nomina: & ponat intra Circulum, ad quatuor Angulos mundi, Thuribula, pro fumigiis. Tunc ingrediatur locum ieiunus, & ablutus: incipiátque orare, versus orientem, totum Psalmum: *Beati immaculati in via, &c.* Fumigando: & in fine, deprecando Angelos, per dicta Diuina Nomina, vt dignentur illuminare & reuelare id quod desiderat: idque faciat sex diebus continuis omni die ablutus, & ieiunus. Septima verò Die, quæ est Sabbati, similiter ablutus & ieiunus, ingrediatur Circulum, & fumiget, & inungat se oleo vnctionis sancto, vngendo frontem, & super vtrosque Oculos, in volis manuum, & supra pedes. Tunc, Genibus flexis, dicat Psalmum suprascriptum, cum Diuinis & Angelicis Nominibus. Quo dicto, surgat, & incipiat ab Oriente in Occidens, intra dictum Circulum deambulare, in gyrum, donec cerebri vertigine defessus, cadat in Circulum, vbi quiescat: & statim rapietur in extasim, apparebítque ipsi,

ipsi, qui de omnibus informabit. Sciendum etiam, quòd in Circulo debent esse quatuor candelæ sacræ, ardentes ad quatuor partes Mundi, quæ nunquam, per totam Hebdomadam, lumine deficiant. Item, ieiunium sit tale, vt abstineat ab omnibus, vitam sensibilem habentibus, & quæ ex illis sunt: bibat tantum aquam puram, & fluentem: nec sumat cibum, donec sol occumbat. Ablutio sit talis, vt mane, ante ortum Solis, nudus totum se mergat in Aquam fluentem. Fumigium, & Oleum vnctionis, fiant, sicuti habetur Exodi', & in sacris Bibliorum eloquiis. Obseruandum est, quòd quoties Circulum ingreditur, habeat in fronte laminam Auream, inscriptam Nomine Tetragrammaton, vt suprâ diximus.

Ad Oracula verò, ab omni Spiritu, per somnium suscipienda etiam cōducunt nobis res naturales, atque illarum commixtiones: vt sunt fumigia, vnctiones, & cibi, vel potiones, quas ex primo libro de occulta Philosophia, potes desumere. Volens autem semper & promptè somniorum suscipere oracula, conficiat sibi, ad hunc modum Annulum Solis vel Saturni. Fit

D 2 etiam

etiam imago excellentis efficacix, ad hunc effectum: quæ posita sub capite, dum itur dormitum, vera somnia efficaciter præstat, de quibuscunque animus antea deliberauerat. Conferunt similiter, ad oraculum, Tabellæ Numerorum, sub suis Constellationibus debite formatæ: Et hæc ex secundo libro Occultæ Philosophiæ, cognosces. Conferunt etiam Tabulæ sacræ & cartæ, ad hunc effectum specialiter compositæ & consecratæ. Qualis est Tabula Almadel Salomonis, & Tabula Reuolutionis nominis Tetragrammaton: & quæ huiusmodi ex variis figuris, Numeris, Picturis sacris, cum sacrorum nominū Dei & Angelorum inscriptionibus ad hæc scribuntur: quarum Compositio ex variis sacris scripturę locis, Psalmis & versiculis, aliisque præfagæ reuelationis, ac Prophetiæ pollicitationibus, desumitur. Conducunt ad eundem effectum sacrę orationes atque imprecationes, tam ad Deum, quàm ad sanctos Angelos, & Heroas. Quarum orationum imprecationes componuntur, vt suprà ostendimus, iuxta similitudinem aliquam religiosam miraculorum, gratiarum, & similium eorum,

eorum, quæ facere intendimus, mentionem facientium. Vt, ex Veteri Testamento de somnio Iacob, Ioseph, Pharaonis, Danielis, Nebuchadnezer. Si ex Nouo Testamento, de somnio Ioseph, viri beatæ Mariæ Virginis: De somnio trium Magorum: de Ioanne Euangelista dormiente supra pectus Domini: & quicquid in religione, miraculis, & reuelationibus, simile reperitur: Vt reuelationes Crucis ad Helenam, Reuelationes Constantini, & Caroli Magni, Reuelationes Brigittæ, Cirilli, Methodij, Mechtildis, Ioachimi, Merlini, & cōsimiles: iuxta quas, compositæ deprecationes, si, quando itur dormitum, cum firma intentione, cæteris bene se habentibus, deuotè dicantur, indubiè efficacem præstare solent effectum. Qui autem ea, quæ nunc diximus, cōiungere nouerit, is verissima suscipiet somniorum oracula. Hoc autem fiet, obseruatis iis, quæ in libro de occulta Philosophia in eam rē dicta sunt. Volens igitur suscipere Oraculū, abstineat Cæna, & Potu, aliàs bene dispositus, Cerebro à Vaporibus turbantibus libero: habeat item Cubiculum mundum, nitidum, exorcisatum,

& sacratum si velit. Tunc incipiat in eo fumigare cùm fumigio conuenienti: & inungat Tempora, vnguento ad hoc efficaci: & posito in digito annulo, ex superioribus, accepta imagine aliqua, vel sacra Tabella, vel carta sacra, ponatur sub capite. Tunc prolata oratione sacra, ingrediatur lectum, & cogitans super re, quam scire desiderat, ita dormiat. Sic enim indubia & certissima accipiet Oracula per somnium, quando luna percurreret illud signum, quod fuit in nona Domo Natiuitatis: deinde quando percurrit signum nonæ Domus reuolutionis Natiuitatis: & quando est in nono signo, à signo perfectionis. Et hic est modus, per quem quascunq; sciētias, & Artes subito & completè adipisci possumus, cùm vera intellectus illuminatione. Quamuis ad hunc effectum conducant interiores Spiritus quicunque familiares, sæpe etiam mali, sensibilibiter intrinsecè vel extrinsecè nos informantes.

Si autem malum aliquem Spiritum inuocare volumus ad Circulū, primū considerare oportet: & scire naturam ipsius, cui Planetarum consonet, & quæ sibi, ab illo
Planeta,

*signum 9 domus
natiuitatis
9 signum 9 domus
9 signum 9 domus
9 signum 9 domus*

Planeta, distributa sint officia. Quibus cognitis, inuestigetur locus inuocatione aptus, iuxta Planetæ naturam, & qualitatem officiorum dicti Spiritus, prout illud possint. Vt, si eorū vis est, super Mariā, Fontes, & Flumina, eligatur locus, in littore, & sic de singulis. Deinde inuestigetur tempus opportunum, tum ex qualitate aëris, serenum, clarum, quietum, aptūque Spiritibus ad assumenda corpora: tum etiam ex qualitate & natura Planetæ, atque Spiritus: vt videlicet in die illius, vel tempore quo dominatur, fortunatus sit, vel infortunatus, aliquando de die, aliquando de nocte, prout stellæ atq; Spiritus exigunt. His consideratis, construatur circulus in loco electo, tam pro defensione inuocantis, quàm pro confirmatione Spiritus. In circulo autem ipso inscribenda sunt Diuina nomina generalia, & quæ nobis defensionem præstant: & cū iis nomina Diuina quæ præsent huic Planetæ, atque officiis ipsius Spiritus. Inscribenda etiam erunt nomina bonorum Spirituum qui dominantur, & constringere possunt Spiritum illum, quem aduocare intendimus. Et si amplius munire vo-

luerimus circulum nostrū, addamus Carac-
 teres & Pentacula operationi cōgruentia.
 Tum etiam, si volumus, possumus intus vel
 extra circulum, construere figurā Angula-
 rem, cum inscriptione numerorū conue-
 nientium: prout, inter se, operi nostro con-
 gruunt. Quæ quidē cognoscenda sunt, se-
 cundum rationes numerorū & figurarum,
 de quibus in libro secundo de occulta Phi-
 losophia abundē dictū est. Deinde proui-
 deatur de luminibus, Fumigiis, vnguentis,
 collyriis, secundum naturā Planetæ & Spi-
 ritus, compositis: quæ partim, propter na-
 turalem & Celestem virtutē, Spiritui con-
 gruunt: partim etiam, propter cultum Reli-
 giosum vel superstitiosum, spiritui exhiben-
 tur. Deinde prouideatur de sacris, atq; con-
 secratis rebus, tam ad defensionē inuocan-
 tis, & sociorū eius, quàm etiam ad vincula
 Spirituum, & cōstrictionē necessariis. Qua-
 les sunt sacræ Chartæ, Laminæ, Picturæ,
 Pentacula, Gladij, Sceptra, Vestes, ex ma-
 teria & colore conuenienti, & huiusmodi.
 Tunc omnibus istis paratis, existēte magi-
 stro cum sociis, in Circulo, primò cōsecret
 Circulum, & omnia quibus vtitur. Quibus
 peractis

peractis, cum gestu & vultu conuenienti, incipiat alta voce orare, in hunc modum: Primò, faciat orationem ad Deum: deinde precetur bonos Spiritus: & si quas orationes, vel Psalmos, seu Euangelia legere voluerit pro defensione, illa præcedere debent. Deinde, dictis orationibus, incipiat inuocare spiritum, quem cupit, leni ac blando incantamento ad omnes Mundi Plagas, cum commemoratione auctoritatis & virtutis suæ. Et tunc paulisper quiescat, respiciendo circum circa, si spiritus aliquis compareat. Qui si tardauerit, reiteret inuocationem, vt supra, vltque ad tres vices. Et si, pertinax, non comparuerit, incipiat cõiurare potestate Diuina: ita quod coniuratio, cum commemorationibus suis, consonet naturæ atq; officijs ipsius spiritus: reiterando per tres vices, de fortioribus, in fortiores, obiurgationibus, contumelijs, maledictionibus & pœnis adhibitis, ac suspensione ab officio & potestate, & huiusmodi, post singulas vices paululum quiescendo. Et si spiritus aliquis comparuerit, vertat se inuocâs cõtra spiritũ, ipsumq; benignè suscipiat. Et, obtestando ipsum, pri-

mò nomen eius exquirat, & si quo alio nomine vocetur. Deinde procedendo ulterius petendo quid voluerit. Et, si in aliquo pertinacem, mendacemve se prastiterit, constringatur per cõiurationes conuenientes. Et si dubitas de mendacio, fac, extra Circulum, cum sacro Gladio, figuram Trianguli, vel Pentagonum: cogaturque spiritus ingredi. Et si promissionem aliquam susceperis, quam iuramento roborari velis, extenso gladio sacro, ex Circulo, iuret spiritus, posita manu super gladio. Impetrato itaque à spiritu, quod optas, vel aliter contentus, licentiabis ipsum benignis verbis: præcipiendo eidem, ne cui noceat. Et si noluerit recedere, compelle per coniurationes fortiores, & si opus est per Exorcismata, ipsum exterminando, & faciendo fumigationes contrarias. Et cum recesserit, non egrediaris circulum, nisi post moram aliquam, præfatis orationibus, cum gratiarum Actionibus, ad Deum & bonos Angelos, & etiam ad defensionem, & conseruationem. Tunc singulis per ordinem peractis, recedas. Quòd si frustratus ipse fueris, & spiritus nulli comparuerint, ob hoc non desperes: sed,

sed, relicto circulo, reuertaris per alias vices faciendo vt prius. Et si in aliquo te errasse arbitreris, tunc poteris, addendo vel minuendo corrigere. Constantia enim reiterationis, sapius auctoritatem atque virtutem auget, spiritibusque terrorem incutit, humilesque facit ad obediendum. Et idcirco solent aliqui, in Circulo, constituere Portam, qua ingredi & egredi liceat, quam suo arbitratu, claudunt & aperiunt, sacrisque nominibus & Pentaculis muniunt. Illud etiam sciendum, quando nulli spiritus comparuerint, ac fastiditus Magister, deliberauerit cessandum: non propterea recedat, absque licentiatione spirituum. Nam hoc negligentes plurimi, periclitati sunt, nisi sublimiori aliqua defensione muniti. Sapissime etiam adueniunt spiritus, quamuis non appareant, propter terrorem in inuocante, vel in rebus quibus vtitur, vel in ipsa operatione. Licentia autem talis non datur simpliciter, sed per modum dispensationis, cum suspensione, donec, in sequentibus sese praestiterint obedientes.

Absque Circulo autem inuocantur in conspectum, per modum, qui superius traditus est in

est, in consecratione libri.

Quando autem aliquem effectum, per malos spiritus, exequi intendimus, vbi apparitione eorū non est opus: tunc fabricatione illa quæ nobis vt instrumentum vel subiectum experimenti existit, vt puta sit imago, vel Annulus, vel Scriptum, vel Character aliquis, vel Candela, vel Sacrificium, siue aliquid huiusmodi: tunc interipto nomine spiritus eius, cum Caractere, secundum Experimenti exigentiam: siue per scripturam, cum sanguine aliquo, vel aliàs fumigio Spiritui contormi: sæpe etiam præfatis antè orationibus ad Deum, & bonos Angelos, inuocamus Spiritum illum malum, coniurando illum potestate Diuina.

Est aliud genus spirituum, vt in libro tertio Occultæ Philosophiæ diximus, non adeò noxium, hominibus proximum: ita etiam vt passionibus afficiatur humanis, hominumque conuersatione gaudeat, libenterque habitat cum eisdem. Alij verò nemora & sylvas incolunt: alij diuersorum Animalium domesticarū, vel syluestrium consortio lætantur: alij fontes incolunt, & prata. Hos itaque spiritus, quicunque inuocare

care voluerit, in loco, vbi morantur, id fieri
neceſſe eſt, cum fumigijs odoriferis, cum
ſonis dulcibus, ſidibus, inſtrumentisſque
muſicis ad hoc ſpecialiter compoſitis:
adhibendo cantiones & incantamenta, &
Carmina lepida, cum laudibus & promiſ-
ſionibus. Ad hæc verò obſtinati, compul-
luntur minis, comminationibus, blaſphe-
mijs, irriſionibus, contumelijs: & maximè
comminando illis exterminationem ab ijs
locis vbi verſantur. Exinde, ſi opus eſt, con-
ſeras te ad Exorcismata. Maximū autem, in
hac inuocatione ſpirituum, quod obſerua-
re oportet, eſt animi conſtantia, & audacia
timore vacua & aliena. Denique inuocatu-
rus hos ſpiritus, debes parare, in loco inuo-
cationis, Menſam, mundo linteo cooper-
tam: in qua locabis panes recentes, &
Aquam viuā, vel lac, in vaſis Terreis nouis,
cultellos nouos: conſtruāſque ignem, in
quo fumigabis. Sedeātque inuocans in ca-
pite Menſæ, & circumcirca adapta ſint
ſedilia, pro ſpiritibus, vt libuerit: ſpiritusſque
ipſos inuocando, inuitabis ad potum &
eſum. Quòd ſi fortè timueris ſpiritum ali-
quem nequam, circunſcribas Circulum:
ſitque

fitque pars Mensæ, in qua sedebit inuocans, intra Circulum: reliquum sit extra.

In libro tertio de Occulta Philosophia documjns quomodo, & per quæ media anima corpori iungatur, & quid accadat Animæ, post mortem. Scias igitur, vltra hæc quæ dicta sunt, quòd Animæ illæ, ad huc post mortem, relictæ corpora diligunt, tanquam cognatum aliquod, eas alliciens. Quemadmodũ sunt animæ hominũ noxiarum, quæ corpus suum violenter reliquerunt: & Animæ debita sepultura carentes, quæ adhuc in turbido, humidóq; spiritu, circa cadauera sua oberrāt. Illæ nāq; Animæ, cognitis medijs, per quæ quondam corporibus suis coniungebantur, per similes vapores, liquores, nidorésque facilé alliciuntur. Hinc est quòd Animæ mortuorum, non euocantur absque sanguine, vel appositione alicuius partis corporis sui relictæ. In euocationibus vmbrarum, fumigamus cum sanguine recenti, cum ossibus mortuorum, & Carne, cum Ovis, Lacte, Melle, Oleo, & similibus, quæ aptum medium tribuunt Animabus ad sumenda Corpora. Sciendum, quòd volentes euocare Animas

Mortuor

Mortuorum, id facere oportebit in ijs locis in quibus huiusmodi Animæ plurimùm versari dignoscuntur: vel propter cognatum aliquod, eas in corpus relictum alliciens: vel propter affectionem aliquam in vita quondam impressam, dictam Animam ad certa loca, vel res, personæ sue trahentem: vel propter loci alicuius Tartaream naturam, purgandis vel puniendis Animis aptam. Qui loci, vt plurimùm, experientia visionum, incurfionum nocturnarum, ac similibus prodigijs & ostentis cognoscuntur. Sunt itaque aptissima loca, ad hæc, Cæmeteria, & meliora his loca illa, in quibus fit executio criminalis iudicij: & , meliora illis, loca illa, in quibus, recentibus annis, publicæ strages factæ sunt: adhuc melior ijs locus, est ille, vbi Cadauer aliquod nōdum expiatum, nec ritè sepultum, violenter mortuum, recentioribus annis subhumatum est. Expiatio enim ipsa locorum, ritus etiam sacer, sepulturæ corporum debitè adhibitus, sæpe Animas ipsas accedere prohibet, & longius, ad loca iudicij repellit. Atque hinc est, quòd non facile euocantur mortuorum animæ, nisi illorum, quos
scimus

scimus mala, violentæque morte perijsse: ut quorum corpora, sepultura debita carent. Et si ad loca huiusmodi, qualia diximus accedere minus tutum vel cōmodum esset: sufficit nobis, ad quęcunque alium locum eligendum, assumere partem aliquam principalem relictī corporis: & cum illa suo modo fumigare, & cōteros ritus competentēs perficere, Sciendum etiam, quod, quoniam Animæ lumina quædam sunt spiritalia, ideo lumina artificialia, maximè si ex certis rebus competentibus, secundum certam normam compositis, fabricata fuerint, cum inscriptionibus nominum, & signaculorum, congruis, ad euocationem Manium plurimū conferunt. Preterea hæc, quæ iam dicta sunt, non semper ad Animarum euocationem sufficiunt: propter extranaturalem mentis rationisque portionem, Cœlo ac fatis superiorem, & soli Religioni cognitam. Oportet igitur per ultra naturales & Celestes virtutes debite administratas, dictas Animas allicere, ut pote, per ea, quæ ipsam Animæ harmoniam mouent, tam imaginatiuam, quàm Rationalem, & intellectualem

lem: vt sunt, voces, cantus, soni, incantamenta, &, quæ ex religione sunt, preces, coniurationes, exorcismata, & cætera sacra quæ ad hæc possunt adhiberi commodè.

EPTAMERON, SEV ELEMENTA MAGI-

CA PETRI DE ABANO
Philosophi.



VPERIORE libro, qui est Quartus Agrippæ, satis abundè dictum est de Cerimoniis & initiationibus Magicis. Verùm quoniam doctis, etiam in hac Arte prouectis videtur scripsisse, quòd speciatim de Cerimoniis non agat, sed in genere potius locatur, consilium fuit addere Elementa magica Petri de Abano, vt rudes adhuc, & qui superstitiones Magicas non gustarunt, in procinctu habeant, quomodo in iis se exercere possint. Videbunt enim in hoc libello Isagogen quandam Magicæ vanitatis, &, quasi versentur in re presenti, distinctas Spirituum

tuum functiones conspicient , quomodo illos ad colloquium allicere oporteat, quid quolibet die , quâve hora agendum sit , & quomodo , quasi syllabatim , descriptum legent: in summa omnium magicarum præstigiarum principia in hoc libello , qui verè gradus est ad magicas operationes , tenebunt. Sed quoniam summa vis circulis tribuitur (sunt enim munimenta quædam quæ Operantes, à malis Spiritibus reddant tutos) primò loco de Circuli compositione tractabimus.

De circulo & eius compositione

Circulorum autem ratio non est vna eademque semper , sed pro ratione Spirituum inuocandorum, locorum, temporum dierum, & horarum mutari solent.

Oportet enim , in constituendo Circulo, considerare , quo tempore Anni, quo die, & qua hora Circulum facias : quos Spiritus aduocare velis , cui stellæ & Regioni præsent , & quas functiones habeant.

Fiant igitur tres circuli latitudinis pedum
nouem

nouem, & qui distent vnus ab alio palmum
vnum: & in medio circulo, scribe primò
nomen horæ in qua tu facis opus, secun-
do loco nomen Angeli horæ, Tertio sigil-
lum Angeli horæ: Quarto nomen Ange-
li, qui præest ei diei in qua tu facis opus,
& ministrorum eius: Quinto nomen tem-
poris præsentis. Sexto nomen Spirituum
regnantium in ea temporis parte, & ei
præfidentium. Septimo nomen capitis si-
gni regnantis ea temporis parte qua facis
opus. Octauo nomen Terræ, secundum
eam partem temporis in qua facis opus.
Nono, & pro complemento medijs circuli
scribe nomina Solis & Lunæ, secundum
prædictam temporis rationem. Mutato
enim Tempore mutant & nomina. In su-
periore autem circulo assignentur in qua-
tuor angulis, nomina angelorum aëri præ-
fidentium eo die, quo facis opus: Regis
scilicet & trium ministrorum eius. Extra
circulum, in quatuor angulis sint Penta-
goni. In inferiore circulo scribantur qua-
tuor nomina Diuina, crucibus interpofi-
tis. In medio circuli, scilicet ad orientem,
scribatur Alpha: & ad occidentem, seri-

batur & ω . diuidátque crux medium circuli : Perfecto circulo, secundum rationem infra scriptam procedes.

*De nominibus horarum, &
Angelorum eis praesidentium.*

Sciendum est autem Angelos ordine successiuo, secundum Cœlorum & Planetarum rationem, quibus praesunt, Horis etiam praesse. Adeoque Spiritus, qui praest diei, imperat etiam primæ horæ diei, secundus ab hoc Planeta, praest secundæ, Tertius tertiæ : & sic consequenter. Septem autem Planetis & horis reuolutis, cursus reditur ad primum qui praest diei. De nominibus igitur horarum primò dicemus.

Horæ diei

- | | |
|---|-----------|
| 1 | Yayn. |
| 2 | Ianor. |
| 3 | Nafnia. |
| 4 | Salla. |
| 5 | Sadedali. |

Horæ noctis.

- | | |
|---|---------|
| 1 | Beron. |
| 2 | Barol. |
| 3 | Thami. |
| 4 | Athir. |
| 5 | Mathon, |

Thamir

6	<i>Thamur.</i>	6	<i>Rana.</i>
7	<i>Omrer.</i>	7	<i>Netos.</i>
8	<i>Tamic.</i>	8	<i>Tafrac.</i>
9	<i>Neron.</i>	9	<i>Sassur.</i>
10	<i>Iayon.</i>	10	<i>Aglo.</i>
11	<i>Abai.</i>	11	<i>Calerna.</i>
12	<i>Natalon.</i>	12	<i>Salam.</i>

De nominibus Angelorum & sigillis eorum, dicetur suo loco. Nunc videndum est de nominibus Temporum. Annus igitur quadripartitus, diuiditur in Ver, Æstatem, Autumnum & Hyemem : quorum sunt hæc nomina :

<i>Ver.</i>	<i>Talni,</i>
<i>Æstas.</i>	<i>Casmaran.</i>
<i>Autumnus.</i>	<i>Ardaraël.</i>
<i>Hyems.</i>	<i>Farlaë.</i>

Angeli veris.

Caracasa,
Core,
Amatiel,
Commissoros.

Caput signi Veris.

Spugliguel.

E 3 Nomen

Elementa Magica

Nomen Terræ, Vere.

Amadai.

Nomina Solis & Lunæ, Vere.

*Sol**Luna,**Abraym**Agusita.*

Angeli

Æstatis.

*Gargatel.**Tariel,**Ganiel.*Caput signi, Veris. *Æst.**Tubiel.*

Nomen Terræ, Æstate.

Festatui.

Nomina Solis & Lunæ, Æstate.

*Sol.**Luna.**Athemay.**Armatas.*

Angeli Autumni.

*Tarquam,**Gualbarel.*

Caput Signi Autumni.

Tolquaret.

Nomen Terræ in Autumno.

Rabianira.

Nomina Solis & Lunæ, in Autumno.

Sol,

Sol,
Abragini.

Luna.
Matasignais.

Angeli Hyemis.

Amabaël,

Ctarari.

Caput signi Hyemis.

Altarib.

Nomen Terræ, Hyeme.

Geremia.

Nomina Solis & Lunæ,
Hyeme.

Sol,
Commutas.

Luna.
Affaterim.

De Consecrationibus, & Bene-
ditionibus: & primò
de Circuli be-
nedictione.



OSTENDAM ritè perfectus erit
Circulus, asperge eum Aqua be-
nedicta seu Lustrali, & dic: Asper-
ges me Domine yssopo, & mun-

E 4 dabor:

dabor: Lauabis me, & super Niuem dealabor.

Benedictio fumigiorum.

Deus Abraham, Deus Isaac, Deus Iacob, benedic huc creaturas specierum, vt vim & virtutem odorū suorum amplient, ne hostis, nec fantasma in eas intrare possit, Per dominum nostrū Iesum Christum &c. Deinde aspergantur aqua benedicta.


Exorcismus ignis, cui superponuntur fumigia.

Ignis quo vtendum est, ad suffumigationes, sit in vase fictili seu Terreo, nouo. Exorcizatur autem hoc modo: Exorcizo te creatura Ignis, per illum, per quem facta sunt omnia, vt statim omne fantasma eijcias à te, vt nocere non possit in aliquo. Deinde dic: Benedic Domine Creaturam istam Ignis, & sanctifica, vt benedicta sit, in collaudationem Nominis tui sancti: vt nullo documento sit gestantibus nec videntibus: Per Dominum nostrū Iesum Christum &c.

De ve

De veste & Pentaculo.

Vestis sit sacerdotalis, si fieri potest, si non possit haberi, sit Linea & nitida. Deinde sumat hoc pentaculum factum Die & hora Mercurij, crescente luna, in Charta membrana hædi. Sed prius dicatur super illo, Missa Spiritus sancti, & aspergatur Aqua Baptismali.



E s Oratio

Oratio dicenda quando induitur Vestis.

Ancor, Amacor, Amides, Theodonnias, Anitor,
Per merita Angelorum tuorum sanctorum
Domine, induam vestimenta salutis: vt hoc
quod desidero, possim perducere ad effe-
ctum: per te sanctissime Adonay, cuius Re-
gnum permanet, per omnia secula seculo-
rum, Amen.

De modo operationis.

Sit Luna Crescens, & par, si fieri potest,
& non sit combusta. Operans sit nitidus &
purus, per nouem Dies, ante inceptionem
operis, sit confessus & communicatus. Ha-
beat fumigium assignatum diei, in quo fa-
cit opus, habeat item Aquam Benedictam
à sacerdote, vas fictile nouum igne plenum,
vestem & Pentaculum: & sint hæc omnia
debitè & ritè consecrata & præparata:
Vnus è discipulis ferat vas terrenum igne
plenum, & fumigationes, alius portet li-
brum, alius vestem & Pentaculum: & Ma-
gister ferat gladium, super quo dicta sit vna
Missa de Spiritu sancto, & in medio cuius,
sit scriptum hoc nomen, A G L A +. &
in alio latere, hoc nomen + O N + Eundo
ad lo

ad locum Consecrandum , dicat semper
Litánias , & Discipuli respondeant. Et cum
peruenerit ad locum , vbi vult facere Cir-
culum , protrahat Circuli lineas , vt supra
docuimus. Et postquam perfecerit, Asper-
gat Circulum Aqua Benedicta , dicens.
Asperges me Domine. &c.

Magister igitur ieiunio , castitate & ab-
stinencia ab omni luxu, purificatus, triduum
totum ante Diem operationis , die ipso
operationis mundis vestibus indutus, cum
Pentaculis, fumigijs & rebus ad hæc neces-
sarijs , ingreditur Circulum. Et à quatuor
Mundi partibus , inuocabit Angelos qui
præfunt septem Planetis, septem diebus
hebdomadis, coloribus & metallis: quo-
rum nomina, suo loco videbis. Et, genibus
flexis inuocans nominatim dictos Ange-
los, dicet. O Angeli supradicti, estote adiu-
tores meæ petitioni , & in adiutorium
mihi, in meis rebus, & petitionibus. Dein-
de inuocabit Angelos a quatuor partibus
Mundi, Aëri dominantes in die illo, in quo
facit opus seu experimentum. Et implora-
ris speciatim omnibus nominibus, & spiri-
tibus in circulo circumscriptis , dicat : O

vos

vos omnes, adiuro atque contestor, per sedem Adonay, per Agios, o Theos, Iskyros, Athanatos, Paracletus, Alpha & ω , & per hæc tria nomina secreta: *Agla, On, Tetragrammaton*, quòd hodie, debeatis adimplere quod cupio. His peractis legat coniurationem diei assignatam, in qua facit experimentum: vt infra dicemus. Quòd si pertinares & refractarij sint, neque obedientes se præstiterint coniurationi diei assignatæ, neque precationibus antè factis: tunc utere sequentibus Coniurationibus & exorcismis.

*Exorcismus Spirituum
Aëreorum.*

Nos facti ad imaginem Dei, dotati potentia Dei, & eius facti voluntate, per potentissimum & corroboratum nomē Dei, E L, forte & admirabile vos Exorcizamus (hic nominabit Spiritus quos volet, cuiuscunque ordinis sint) & imperamus, per eum qui dixit, & factum est, & per omnia nomina Dei, & per nomen Adonay, El, Elohim, Elohe, Zebaoth, Elion, Escerehie,
Iah,

Iah, Tetragrammaton, Sadai: Dominus
Deus, Excelsus, exorcizamus vos, atque
potenter imperamus, vt appareatis statim
nobis, hic iuxta Circulum, in pulchra for-
ma, videlicet humana, & sine deformita-
te & tortuositate aliqua. Venite vos omnes
tales, quia vobis imperamus, per no-
men Y & V quod Adam audiuit, & lo-
cutus est: & per nomē Dei, A G L A, quod
Loth audiuit, & factus Taluus, cum sua fami-
lia: & per nomen Ioth, quod Iacob audiuit
ab Angelo secum luctante, & liberatus est
de manu fratris sui Esau: & per Nomen
Anephexeton, quod Aaron audiuit, & lo-
quens, & sapiens factus est: & per nomen
Zebaoth, quod Moyſes nominauit, & om-
nia flumina & Paludes, de Terra Ægypti,
verſæ fuerunt in sanguinem: Et per nomen
Eſcerchiè Orifton, quod nominauit, &
omnes fluuij ebullierunt Ranas, & ascen-
derunt in Domos Ægyptiorum, omnia de-
ſtruentes: Et per nomen Elion, quod Moy-
ſes nominauit, & fuit grando talis, qualis
non fuit ab initio Mundi: & per nomen
Adonay, quod Moyſes nominauit, & fue-
runt Locuſtæ, & apparuerunt ſuper terram
Ægyptio

rest

Ægyptiorum, & comederunt, quæ residua erant grandini: & per nomen Alpha & ω, quod Daniel nominavit, & destruxit Beel, & Draconem interfecit: & in nomine Emanuel, quod tres pueri, Sidrach, Misach, & Abdenago in Camino ignis ardentis cantauerunt, & liberati fuerunt: & per Agros & sedē Adonay, & per o Theos, is Kyros, Athanatos, Paracletus: & per hæc tria secreta nomina, A G L A, O N, Tetragrammaton, adiuro, contestor, & per hæc nomina, & per alia nomina Domini nostri Dei Omnipotentis, vini & veri, vos qui, vestra culpa, de cœlo eiekti fuistis vsque ad infernum locum, exorcizamus, & viriliter imperamus, per Eum, qui dixit, & factum est, cui omnes obediunt Creaturæ, & per illud tremendum Dei iudicium, & per Mare omnibus incertum, vitreum, quod est ante conspectum Diuinæ Maiestatis, gradiens & potentiale: & per quatuor Diuina Animalia .T. ante sedem Diuinæ Maiestatis gradientia, & oculos ante & retrò habentia: & per ignem ante eius Thronum circumstantem: Et per sanctos Angelos Cœlorum .T. et per eam, quæ Ecclesia Dei nominatur: &
per

per summam sapientiam Omnipotentis Dei, viriliter Exorcizamus; Ut nobis hic ante circulum appareatis, ad faciendam nostram voluntatem, in omnibus, prout placuerit nobis: **P**er sedem Baldachia: & per hoc nomen Primeumaton, quod Moyses nominavit, & in cauernis Abyssi fuerunt profundati vel absorpti, **D**atan, **C**orah, & **A**biron: & in virtute istius nominis Primeumaton, tota cœli Militia compellente, maledicimus vos, priuamus vos omni officio, loco, & gaudio vestro, vsque in profundum abyssi, & vsque ad vltimum diem iudicij vos ponimus, & religamus in Ignem æternum, & in stagnum ignis & sulphuris, nisi statim appareatis hic coram nobis; ante circulum, ad faciendum voluntatem nostram. In omnibus. Venite per hæc - i
Nomina **A**donay **Z**ebaoth, **A**donay **A**mioran. Venite, venite, imperat vobis **A**donay **S**aday, Rex Regum potentissimus, & tremēdissimus: cuius vires nulla subterfugere potest Creatura, vobis pertinacissimis futuris, nisi obedieritis, & appareatis, ante hunc circulum, affabiles subito: tādē ruina flebilis miserabilisque & ignis in perpetuum
inextin

inextinguibilis vos manet. Venite ergo in nomine Adonay, Zebaoth, Adonay, Amioram: venite, venite, quid tardatis? festinate imperat vobis Adonay Saday, Rex Regum, El, Aty, Titeip, Azia, Hyn, Ien, Minsel, Achadan, Vay, Vaa, Ey, Haa, Eye, Exc, a El, El, El, a, Hy, Hau, Hau, Hau, Va, Va, Va, Va.

*Oratio ad Deum, quæ dici debet
in quatuor partibus Mundi, in Circulo.*

Amorule, Tancha, Latisten, Rabur, Tancha, Latisten, Escha, Aladia, Alpha, & o. Leyste, Oriston, Adonay, Clementissime Pater mi Cœlestis, miserere mei, licet peccatoris, clarificâ, in me, hodierno die, licet in digno filio tuo, tuæ potentix brachium, contra hos spiritus pertinacissimos: Vt ego, te volente, factus tuorum Diuinorum operum contemplator, possim illustrari omni sapientia, & semper glorificare, & adorare nomen tuum. Suppliciter exoro te, & inuoco, vt, tuo iudicio, hi spiritus, quos inuoco, conuicti, & constricti, veniant vocati, & dent

dent vera responsa, de quibus eos interro-
gauero: dēntque & deferant nobis, ea quæ
per me vel nos præcipiētur eis, non no-
centes alicui creaturæ, non ledentes, non
frementes, nec me sociósque meos, vel
aliam creaturam ledentes, & neminem
terrentes: sed petitionibus meis, in omni-
bus, quæ præcipiam eis, sint obedientes.

Tunc stans in medio circuli, teneat ma-
num propè Pentaculum, & dicat: Per Pen-
taculum Salomonis aduocati, dent mihi
responsum verum.

Deinde dicat: Beralanensis, Balda-
chiēsis, Paumachix & Apologiæ sedes, per
Reges potestatesq; magnanimas, ac prin-
cipes præpotentes, Genio Liachidæ, mi-
nistri Tartareæ sedis: Primac, hic princeps
sedis Apologiæ, nona cohorte: Ego vos in-
uoco, & inuocando vos coniuro, atque
supernæ Maiestatis munitus virtute, po-
tenter impero, per eum qui dixit, & fa-
ctum est, & cui obediunt omnes creatu-
ræ: & per hoc nomen ineffabile, Tetra-
grammaton א ב ג ד Iehouah, in quo est plas-
matum omne seculum, quo audito Ele-
menta corruunt, aër concutitur, mare re-

F trogradat

trogradatur, ignis extinguitur, Terra trem-
mit, omnesque exercitus Cælestium ter-
restrium, & inferiorum, tremunt, turban-
tur & corruunt: quatenus citò, & sine mo-
ra, & omni occasione remota, ab vniuersis
Mundi partibus, veniatis: & rationabiliter
de omnibus quæcunque interrogauero,
respondeatis vos, & veniatis pacificè, visi-
biles, & affabiles: nunc, & sine mora, ma-
nifestantes quod cupimus: coniurati per
nomen æterni, viui, & veri Dei *Helioen*; &
mandata nostra perficientes, persistentes
semper, vsque ad finem & intentionem
meam, visibiles nobis, & affabiles, clara vo-
ce, nobis intelligibili, & sine omni ambi-
guitate.

Visiones & apparitiones.



QUIBUS ritè peractis, apparebunt
infinitæ visiones, & Phantasma-
ta pulstantia Organa, & omnis
generis instrumenta Musica: id-
que fit à Spiritibus, vt terrore compul-
si socij, abeant è circulo: quia nihil aduer-
sus Magistrum possunt. Post hæc videbis
infinit

infinitos sagittarios, cum infinita multitudine bestiarum horribilium: quæ ita se componunt, ac si vellent deuorare socios. Et tamen nil timeant. Tunc sacerdos siue magister, adhibens manum Pentaculo, dicat: Fugiat hinc iniquitas vestra, virtute vexilli Dei. Et tunc Spiritus obedire magistro coguntur: & socij nil amplius videbunt.

Deinde exorcizator, tenens manum prope Pentaculum, dicat: Ecce Pentaculum Salomonis, quod ante vestram adduxi præsentiam: ecce personam exorcizatoris, in medio exorcismi, qui est optimè à Deo munitus, intrepidus, prouidus, qui, viribus potens, vos, exorcizando, inuocauit, & vocat. Venite ergo cum festinatione, in virtute nominum istorum: Aye, Saraye, Aye, Saraye, Aye, Saraye, ne differatis venire, per nomina æterna Dei viui & veri Eloy, Archima, Rabur: & per hoc presens Pentaculum quod super vos potenter imperat: & per virtutem Cœlestium Spirituum, Dominorum vestrorum: & per personam exorcizatoris, coniurati, festinate venire, & obedire præceptori vestro,

qui vocatur Octinomos. His peractis, sibilat in quatuor Angulis mundi. Et videbis immediatè magnos motus: & cùm videris, dicas: Quid tardatis? quid moramini? quid facitis? præparate vos, & obedite Præceptori vestro, in nomine Domini Bathat, vel Vachat super Abrac ruens, superuiuens, Abeor, super Aberer.

Tunc immediatè venient, in sua forma propria. Et quando videbis eos iuxta circulum, ostende illis Pentaculum cooperum sindone sacro, & discooperiatur, & dicat: Ecce conclusionem vestram, nolite fieri inobedientes. Et subitò videbis eos in pacifica forma: & dicent tibi, Pete quid vis, quia nos sumus parati complere omnia mandata tua, quia Dominus ad hæc nos subiugauit. Cùm autem apparuerint Spiritus, tunc dicas: Bene veneritis Spiritus, vel Reges nobilissimi: quia vos vocavi per illum, cui omne genu flectitur, Cœlestium, terrestrium, & infernorum: cuius in manu omnia Regna Regum sunt: nec est qui suæ contrarius esse possit maiestati. Quatenus constringo vos, vt hic ante Circulum visibiles, affabiles permaneat: tam diu

tamdiu, tamque constantes, nec sine licentia mea recedatis, donec meam, sine fallacia aliqua & veridicè perficiatis voluntatem, per potentia illius virtutem, qui mari posuit terminum suum, quem præterire non potest, & lege illius Potentia, non pertransit fines suos, Dei scilicet, Altissimi, Regis, Domini, qui cuncta creauit, Amen. Tunc iube quod vis, & fiet. Post hæc licentia eos sic: + In nomine Patris, Filij, & Spiritus Sancti, ite in pace ad loca vestra: & pax sit inter nos & vos, parati sitis venire vocati. *Hæc sunt quæ Petrus de Abano de Magicis Elementis dixit.*

Vt autem facilius Rationes circuli, possis cognoscere, subiiciam schema vnum.

Sit ita vt aliquis velit Veris tempore, prima hora Diei Dominicae

Circulum facere, is erit

eiusmodi, qui in

figura sequen-

ti conspi-

citur.

F

3

Figur

*Figura Circuli pro prima hora
Diei Dominica, Veris
tempore.*



SVPEREST nunc vt Hebdomadam
exploremus, singulosque illius Dies, &
Spiritus qui illis præsumt: & primò de die
Dominico.

Consyd

Consyderationes Diei Dominicae.

Angelus Diei Dominicae, &
Sigillum eius, Planeta eius,
& signum Planetæ, & nomen
quarti Cœli.

Michaël.



Machen.

Angeli diei Dominicae.

Michaël.

Dardiel.

Huratapel.

Angeli Aëris regnantes die
Dominico.

Varcan Rex.

Ministri eius.

Tus.

Andas,

Cynabal.

Ventus cui subsunt Angeli
Aëris supradicti.

Boreas.

F

4

Angeli

*Angeli Quarti Cæli regnantes
die Dominico, quos aduocare o-
portet à quatuor mundi Par-
tibus.*

Ad Orientem.

Samaël.

Baciel.

Atel.

Fabriël.

Vionatraba.

Ad occidentem.

Anaël.

Pabel.

Vstaël.

Burchat.

Suceratos.

Capabali.

Ad Septentrionem.

Aiel

Aniel vel, Aquiel.

Masgabriel.

Sapiel.

Matuyel.

Ad Meridiem.

Habundiel.

Mach

Machafiel

Charfiel

Vriel,

Naromiel.

Fumigium diei Dominicæ

Sandalum rubeum.

Coniuratio diei Dominica.



Oniuro & confirmo super vos
Angeli fortes Dei, & sancti, in
nomine Adonay, Eye, Eye, Eya,
qui est ille, qui fuit, est, & erit,
Eye, Abraye: & in nomine Saday, Cados,
Cados, Cados, altè sedentis super Cheru-
bin: & per nomen Magnum ipsius Dei for-
tis, & Potentis, exaltatque super omnes
Cœlos Eye, Saraye, Plasmatoris seculorum,
qui creauit Mundum, Cœlum, Terram,
Mare, & omnia quæ in eis sunt in primo
Die, & sigillauit ea sancto nomine suo
Phaa: & per nomina sanctorum Angelo-
rum, qui dominantur in quarto Exercitu,
& seruiunt coram potentissimo Salamia,
Angelo Magno & honorato: & per nomen
Stellæ, quæ est Sol, & per signum, & per
immensum nomē Dei viui, & per nomina

F 5 omnia

omnia prædicta , cõiuro te Michaël, Ange-
 le Magne, qui es præpositus Diei Domini-
 cæ: & per nomen Adonay , Dei Israël, qui
 Creauit Mundum , & quicquid in eo est,
 quòd pro me labores , & adimpleas om-
 nem meam petitionem, iuxta meum velle,
 & votum meũ , in negotio & causã mea:&
 hic dicas causam tuam, & negotium tuum.
 Dic præterea pro qua re Coniurationem
 hanc suscipis.


Spiritus Aëris diei Dominicæ sunt subdi-
 ti vento Boreæ. Eorum Natura est Au-
 rum, Gemmas, Carbunculos, Diuitias, gra-
 tiam & beneuolentiam impetrare: Inimici-
 tias hominum dissoluere , hominibus ho-
 nores tribuere , Infirmitates inferre vel au-
 ferre. Quomodo autem compareant , di-
 ctum est libro superiore de Cerimonijs
 Magicis.

Considerationes Diei Luna.

Angelus Diei Lunæ , sigillum eius , Pla-
 neta eius , & signum planetæ , & nomen
 primi Cœli

Gabriel.

C



Shamain.

六

- ...

10

ie Lu

1112

1947

...

1

10

1

10

Ad Occi

Ad Occidentem.

*Sachiel,**Zaniel,**Habaiel,**Bachanaël,**Corabiel.*

Ad Septentrionem.

*Mael,**Vuael,**Valnum,**Baliel,**Balay,**Humastrau.*

Ad Meridiem.

*Curaniel**Dabriel,**Darquiel,**Hanun,**Anayl.**Vetuel.*

Fumigium Diei Lunæ.

*Aloë.**Coniuratio Diei Luna.*

Coniuro & confirmo super vos Angeli
fortes & boni, in nomine Adonay, Adonay,
Adonay,



Adonay, Eie, Eie, Eie, Cados, Cados, Cados, Achim, Achim, Ia, Ia, Fortis, Ia, qui ap-
ruit in mōte Sinai, cum glorificatione Re-
gis Adonay, Saday, Zebaoth, Anathay,
Ya, Ya, Ya, Mari nata, Abim, Ieia, qui Maria
creauit, stagna, & omnes Aquas, in secun-
do Die, quasdam super cœlos, & quasdam
in terra. Sigillauit Mare in alto nomine suo,
& terminum, quem sibi posuit, non præ-
teribit: & per nomina Angelorum, qui
Dominantur in primo Exercitu, qui ser-
uiunt Orphaniel Angelo Magno, præcio-
so, & honorato: & per nomen Stellæ,
quæ est Luna: & per nomina prædicta,
super te coniuro, scilicet Gabriel, qui
es præpositus Diei Lunæ secūdo, quod pro
me labores, & adimpleas &c. vt in coniu-
ratione diei Dominicæ.

Spiritus Aëris Diei Lunæ sunt subdicti
Zephro, qui ventus est Lunæ. Eorum na-
tura Argentum dare, Res de loco ad lo-
cum deferre, Equos veloces tribuere, Se-
creta præsentia & præterita personarum,
dicere. Quomodo autem compareant, vi-
de libro superiore.

Consy

Considerationes Diei Martis.

Angelus Diei Martis, Sigillum
eius, Planeta eius, & Signum
dominans illi Planetæ, nomen
item quinti Cœli.

Samaël.

*Machon.*

Angelus Diei Martis.

*Samaël**Sataël**Amabiel.*

Angeli aëris regnantes Die Martis

*Samax Rex.**Ministri**Carmax,**Isoli,**Passran,*

Ventus cui subsunt Angeli
aëris supradicti.

Subsolanus.

Angeli quinti cœli, regnantes
Die Martis, quos aduoca-
re oportet à quatuor Mundi
partibus.

Ad orien

Ad Orientem

Friagne.

Guaël,

Damaël,

Calzas,

Arragon.

Ad Occidentem

Lama,

Astagna.

Lobquin,

Soncas,

Iaxel,

Isiaël,

Irel.

Ad Septentrionem.

Rahumel,

Hyniel,

Rayel,

Seraphiel,

Mathiel,

Fraciël.

Ad Meridiem.

Sacriël,

Ianiel,

Galdel,

Osaël,

Vianuël

*Vianuël**Zaliel.*

Fumigium Diei Martis.

*Piper.**Coniuratio Diei Martis.*

Coniuro & confirmo super vos , Angeli
 fortes & sancti , per Nomen Ya , Ya , Ya,
 He, He, He, Va, Hy, Hy, Ha, Ha, Va, Va,
 Va, An An, An, Aie, Aie, Aie, El, Ay, Elibra,
 Eloim , Eloim , & per Nomina ipsius Alt
 Dei, qui fecit Aquam Aridam apparere , &
 vocauit Terram , & produxit Arbores &
 herbas de ea , & figillauit super eam , cum
 precioso , honorato , metuendo , & sancto
 nomine suo: & per nomen Angelorum do-
 minantium in quinto Exercitu , qui ser-
 uiunt Acimoy Angelo magno , forti , po-
 tenti , & honorato : & per Nomen Stellæ,
 quæ est Mars: & per nomina prædicta Con-
 iuro super te Samaël Angele Magne , qui
 præpositus es Diei Martis , & per nomina
 Adonay, Dei viui & veri , quod pro me la-
 bores, & adimpleas &c. vt in Coniuratione
 Diei Dominicæ.

Spiritus

Spiritus Aëris diei Martis subditi sunt Subsolano. Eorum natura est, prælia, mortalitates, occisiones & combustiones facere: & bis mille Milites dare ad tempus, mortem, infirmitatem, aut sanitatem tribuere. Quomodo autem compareant, vide libro superiore.

Consyderatio diei Mercurij.


Angelus diei Mercurij, sigillum eius,
Planeta eius, signum dominans illi
Planetæ, nomen item secundi Cœli.

Raphaël.

♄.

II.

♊.



Raquie.

Angeli Diei Mercurij.

Raphaël.

Miel.

Saraphiel.

Angeli aëris regnantes die Mercurij.

Mediat vel, Mediat Rex.

Ministri.

Suquinos.

Sallales.

Ventus cui subsunt Angeli aëris supradicti.

Africus.

G

Angeli

*Angeli secundi Cæli regnantes die
Mercurij, quos aduocare
oportet à quatuor
mundi partibus.*

Ad Orientem,

Mathlai.

Tarmiel.

Baraborat.

Ad Occidentem.

Ierescue.

Mitraton.

Ad Septentrionem.

Thiel.

Raël.

Iariahel.

Venahel.

Velet.

Abuiori.

Vcirnuël.

Ad Meridiem.

Milliel.

Nelapa.

Babel.

Caluel.


vel.

Laquel.

Fumigium dici Mercurij.

Mastix.

Coniuratio dici Mercurij.



ONIVRO & confirmo vos
Angeli fortes, sancti, & po-
tentes, in nomine fortis,
metuendissimi, & benedicti
Ia, Adonay, Eloim, Saday,
Saday, Saday, Eie, Eie, Eie, Afâmie, Afâ-
raie: & in nomine Adonay Dei Israël, qui
creavit luminaria magna, ad distinguen-
dum diem à nocte: & per nomen omnium
Angelorum deferuientium in exercitu se-
cundo, coram Tegra Angelo maiori, at-
que forti & potenti: & per nomen Stellæ,
quæ est Mercurius, & per nomen sigilli
quo sigillatur à Deo fortissimo & honora-
to: per omnia prædicta super te Raphaël
Angele magne, coniuro, qui es præposi-
tus dici quartæ: & per nomen sanctum,
quod erat scriptum in fronte Aaron sa-

G 2 cerdotis

cerdotis Clitissimi Areatoris: & per nomina Angelorum, qui in gratia saluatoris confirmati sunt: & per nomen sedis Animalium, habentium senas alas, quòd pro me labores, &c. vt in coniuratione diei Dominicæ,

Spiritus Aëris diei Mercurij, subiiciuntur Africo. Eorum natura est, omnia Metalla dare, omnia terrena, præterita, præsentia, & futura reuelare, iudices placare, victorias in prælio dare, experimenta, & omnes scientias destructas, reedificare, & docere: & corpora ex Elementis mixta, conditionaliter vnum in aliud transmutare, infirmitates, vel sanitatem dare, pauperes sublimare, sublimis deprimere, Spiritum, vel Spiritus ligare vel dissoluere, serras aperire. Tales spiritus operationes aliorum habent, sed non ex perfecta potentia, sed in virtute vel scientia. Quomodo autem compareant dictum est libro superiore.

Consideratio Diei Iouis

Angelus diei Iouis, sigillum eius, Planeta eius

ta eius, signum dominans illi Planetæ, nomen item Sexti Cœli.

Sachiel.

17

→ . ☾



Zebul.

Angeli Diei Iouis.

Sachiel.

Castiel.

Asafiel.

Angeli aëris regnantes die Iouis.

Suth Rex

Ministri.

Maguth.

Gutrix.

Ventus, cui subsunt Angeli
aëris supradicti.

Auster.

Sed quoniam vltra quintum Cœlum,
Angeli aëris non reperiuntur, ideo die Iouis,
dic in quatuor Mundi partibus, orationes sequentes.

Ad Orientem.

O Deus magne, & excelsæ, & honorate,
per infinita secula.

G 3 Ad

Ad Occidentem.

O Deus sapiens, clare & iuste, ac Diuina clementia: ego rogo te piissime pater, quòd meam petitionem, quòd meum opus, & meum laborem hodie debeam complere, & perfectè intelligere. Tu qui viuis & regnas, per infinita secula seculorum, Amen.

Ad Septentrionem.

O Deus potens, fortis & sine principio.

Ad Meridiem.

O Deus potens, & Misericors.

Fumigium Dici Iouis.

*Crocus.**Coniuratio diei Iouis.*


ONIVRO & confirmo super vos, Angeli sancti, per nomen Cados, Cados, Cados, Escherie, Escherie, Escherie, hatim ya, fortis, firmator seculorum, Cantine, Iaym, Ianic, Anic, Calbat, Sabbac, Berifay, Alnaym: & per nomen Adonay, qui creauit pisces & reptilia, in aquis, & aues, super faciem Terræ volantes versus cœlos die quinto: & per nomina Angelorum seruientium

uientium in sexto exercitu coram Pastor
 Angelo sancto & magno & potenti Prin-
 cipe : & per nomen Stellæ , quæ est Iuppi-
 ter : & per nomen sigilli sui : & per nomen
 Adonay , summi Dei , omnium Creatoris :
 & per nomen omnium stellarum , & per
 vim , & virtutem earum : & per nomina
 prædicta , coniuro te Sachiel Angele ma-
 gne , qui es præpositus Diei Iouis , vt pro
 me labores , &c. vt in coniuratione Diei
 Dominicæ.

Spiritus aëris diei Iouis subiiciuntur
 Austro. Eorum natura est, mulierum amo-
 rem conciliare , Lætos & gaudentes ho-
 mines reddere , Lites pacificare, Inimicos
 mitigare , sanare infirmos , sanos infirma-
 re , adferre vel auferre damna. Quomo-
 do autem comparcant , dictum est libro
 superiore.

Consideratio Diei Veneris.

Angelus Diei Veneris , Sigillum
 eius : Planeta eius, signum do-
 minans illi Planetæ : item no-
 men tertij Coeli.

Anaël.*Saguin.*

Angeli Diei Veneris.

*Anaël.**Rachiel.**Sachiel.*

Angeli aëris regnantes Die Veneris.

Sarabotres, Rex.

Ministri.

*Amabiel.**Aba.**Abalidoth.**Flaëf.*Ventus cui subsunt Angeli
aëris supradicti.*Zephirus.**Angeli Tertij Cæli, regnantes die
Veneris, quos aduocare oportet à
quatuor Mundi partibus.*

Ad Orientem. •

*Setchiel.**Chedisutaniël.**Corat.**Tamaël.**Tenaciel.*

Tenaciel.

Ad Occidentem.

Turiel,

Coniel,

Rabiel,

Kadie,

Maltiel

Husaltiel.

Ad Septentrionem.

Peniel,

Penaël,

Penat

Raphaël,

Raniel,

Doremiel.

Ad Meridiem.

Porna,

Sachiel,

Chermiel,

Samaël,

Santaniel.

Famiel.

Fumigium diei Veneris.

Costus.

G 5 Coniura

Elementa Magica
Coniuratio Diei Veneris.

Coniuro & confirmo super vos, Angeli fortes sancti, atque potentes, in nomine On, Hey, Hey a, Ia, Ic, Adonay Saday: & in nomine Saday, qui creauit quadrupedia & Animalia reptilia, & homines in sexto Die, & Adæ dedit potestatem super omnia Animalia: vnde benedictum sit nomen Creatoris in loco suo: & per nomina Angelorum seruientium in tertio Exercitu, coram Dagiel Angelo magno, principe forti atque potenti: & per nomen Stellæ, quæ est Venus: & per sigillum eius, quod quidem est sanctum: & per nomina predicta coniuro super te Anaël, qui es præpositus diei Sextæ, vt pro me labores &c. vt in coniuratione diei Dominicæ habentur.

Spiritus Aëris Diei Veneris subijciuntur Zephiro. Eorum natura est, dare Argentum, homines excitare & procliuiiores reddere ad luxuriam, inimicos per luxuriam concordare, & matrimonia facere, homines in amorem Mulierum allicere, infirmitates dare, vel auferre, & omnia
 quæ

quæ habent motum, facere.

*Consyderatio diei Saturni,
seu Sabbati.*



Angelus diei Saturni, sigillum eius,
Planeta eius, & Signum domi-
nans illi Planetæ.

*Cassiel.

♄. ♄

≡

*vel Caphriel



Angeli diei Saturni.

Cassiel,

Machatan

Vriel.

Angeli aëris, regnantes die Saturni.

Maymon Rex

Ministri

Abumalith,

Assaibi,

Balider.

Ventus cui subsunt spiritus aëris
prædicti.

Africus.

Fumigi

Fumigium diei Saturni.

Sulphur.

Dictum est supra , in consyderatione diei Iouis , quòd vltra quintum Cœlum, nulli sunt angeli Aëri dominantes : ideo vttere, in quatuor Cardinibus Mundi, Orationibus ijs , quas ad id vides accommodatas, die Iouis.


Coniuratio diei Saturni.

Oniuro & confirmo super vos ^{an} Caphriel vel Cassiel, Machaton, & Seraquiel Angeli fortes & potentes , & per nomen Adonay, Adonay, Adonay, Eie, Eie, Eie, Acim, Acim, Acim, Cados, Cados, ~~Ima~~ ^{an} vel Ima, Ima, Saclay, Ia, Sar, Domini formatoris seculorum, qui in septimo Die quieuit, & per illum, qui in beneplacito suo, filijs Israël, in hereditatem obseruandum dedit, vt eum firmiter cnstodirent & sanctificarent, ad habendum inde bonam, in alio seculo remunerationem : & per nomina Angelorum seruientium in Exercitu septimo Booël Angelo Magno & potenti principi:
& per

6915

& per nomen Stellæ , quæ est Saturnus : &
per sanctum sigillum eius : & per nomina
prædicta , Coniuro super te Caphriel , qui
præpositus es diei septimæ , quæ est dies
Sabbati , quod pro me labores &c. vt haben
tur in Coniuratione Diei Dominicæ.

Spiritus aëris diei Saturni subijciuntur
vento Africo , Eorum natura est , seminare
discordias : odia , & malas cogitationes ,
plumbum , ad libitum dare , quemlibet
interficere , & quodlibet membrum
mutilare. Quomodo au-
tem compareant , supe-
riore libro di-
ctum est.



Elementa Magica
DE ANGELIS HORARUM,
SECUNDVM
dierum rationem
Tabulæ.

* * *

Dies Dominicus.

Horæ dici.	Angeli horarum.
1 Iayn.	Michal.
2 Ianor.	Anael.
3 Nafnia.	Raphael.
4 Salla.	Gabriel.
5 Sadelali.	Cassiel.
6 Thamur.	Sachiel.
7 Ourer.	Samaël.
8 Tanic.	Michael.
9 Neron.	Anael.
10 Iayon.	Raphael.
11 Abay.	Gabriel.
12 Natalon.	Cassiel.
Horæ Noctis.	Angeli horarum.
1 Beron.	Sachiel.
2 Baroli.	Samaël.
3 Thanu.	Michael.
4 Athir.	Anael.
5 Mathon.	Raphaël.

6 Rana.

6	<i>Rana.</i>	<i>Gabriel.</i>
7	<i>Netos.</i>	<i>Cassiel.</i>
8	<i>Tafrac.</i>	<i>Sachriel.</i>
9	<i>Sassur.</i>	<i>Samael.</i>
10	<i>Aglo.</i>	<i>Michael.</i>
11	<i>Calerua.</i>	<i>Anael.</i>
12	<i>Salam.</i>	<i>Raphael.</i>

Dies Luna.

Horæ Diei	Angeli horarum.
1 <i>Yayn.</i>	<i>Gabriel.</i>
2 <i>Ianor.</i>	<i>Cassiel.</i>
3 <i>Nasnia.</i>	<i>Sachiel.</i>
4 <i>Salla.</i>	<i>Samael.</i>
5 <i>Sadedali.</i>	<i>Michael.</i>
6 <i>Thamur.</i>	<i>Anael.</i>
7 <i>Ourer.</i>	<i>Raphael.</i>
8 <i>Tanic.</i>	<i>Gabriel.</i>
9 <i>Neron.</i>	<i>Cassiel.</i>
10 <i>Iayon.</i>	<i>Sachiel.</i>
11 <i>Abay.</i>	<i>Samael.</i>
12 <i>Natalon.</i>	<i>Michael.</i>

Horæ Noctis	Angeli horarum.
1 <i>Beron.</i>	<i>Anael.</i>
2 <i>Barol.</i>	<i>Raphael.</i>

3 *Thanu*

Horæ Noctis. Angeli horarum

1	Beron.	Cassiel.
2	Barol.	Sachiel.
3	Thamu.	Samaël.
4	Athir.	Michael.
5	Mathon,	Anaël.
6	Rana.	Raphaël.
7	Netos.	Gabriel.
8	Tafrac.	Cassiel.
9	Sassur.	Sachiel.
10	Aglo.	Samahel.
11	Calerna.	Michael.
12	Salam.	Anaël.

Dies Mercurij.

Horæ Diei. Angeli horarum.

1	Yayn.	Raphaël.
2	Ianor.	Gabriel.
3	Nasnia.	Cassiel.
4	Salla.	Sachiel.
5	Sadedali.	Samaël.
6	Thamur.	Michael.
7	Ourer.	Anaël.
8	Tanic.	Raphaël.
9	Neron.	Gabriel.

H

Iayon

Elementa Magica

10	Iayon.	Cassiel.
11	Abay.	Sachiel.
12	Neron. <i>atatan</i>	Gabriel.

Horæ Noctis. Angeli Horarum.

1	Beron.	Michael.
2	Barol.	Anael.
3	Thamur. ^{nu}	Raphael.
4	Athir.	Gabriel.
5	Mathon.	Cassiel.
6	Rana.	Sachiel.
7	Netos.	Samael.
8	Tafrac.	Michael.
9	Sassur.	Anael.
10	Aglo.	Raphael.
11	Calerna.	Gabriel.
12	Salam.	Cassiel.

~~Dies Martis.~~ Jovis

Horæ diei. Angeli Horarum.

1	Yayn.	Sachiel.
2	Ianor.	Samael.
3	Nasnia.	Michael.
4	Salla.	Anael.
5	Sadedali.	Raphael.

Thamur

Petri de Abano.

115 648

6	Thamur.	Gabriel.
7	Ourer.	Cassiel.
8	Tanic.	Sachiel.
9	Neron.	Samael.
10	Iayon.	Michael,
11	Abay.	Anael.
12	Natalon.	Raphaël.

Horæ Noctis. Angeli Horarum.

1	Beron.	Gabriel.
2	Barol.	Cassiel.
3	Thanu.	Sachiel.
4	Athir.	Samaël,
5	Mathon.	Michael.
6	Rana.	Anael.
7	Netos.	Raphaël.
8	Tafrac.	Gabriel.
9	Sassur.	Cassiel.
10	Aglo.	Sachiel.
11	Calerna:	Samaël.
12	Salam,	Michael.

Dies Veneris.

Horæ Diei. Angeli Horarum.

1	Iayn.	Anael.
	A	2 Ianor.

2	Ianor.	Raphaël.
1	Nafnia.	Gabriel.
4	Salla.	Cassiel.
5	Sadedali.	Sachiel.
6	Thamur,	Samaël,
7	Ourer.	Michael.
8	Tanic.	Anaël.
9	Neron.	Raphaël.
10	Iayon.	Gabriel.
11	Abay.	Cassiel.
12	Natalon.	Sachiel.

Horæ Noctis

Angeli horarum.

1	Beron.	Samaël.
2	Borol.	Michael.
3	Thann.	Anaël.
4	Athir.	Raphaël.
5	Mathon.	Gabriel.
6	Rana.	Cassiel.
7	Netos.	Sachiel.
8	Tafrac,	Samaël.
9	Sassur.	Michael.
10	Aglo.	Anaël.
11	Calerna.	Raphaël.
12	Salam.	Gabriel.

Dies

Dies Saturni.

Horæ Dici

Angeli horarum.

1	Yayn.	Cassiel.
2	Ianor.	Sachiel.
3	Nasnia.	Samael.
4	Salla.	Michael.
5	Sadedali.	Anael.
6	Thamur	Raphael.
7	Ourer.	Gabriel.
8	Tanic.	Cassiel.
9	Neron.	Sachiel.
10	Iayon.	Samael.
11	Abay.	Michael.
12	Natalon.	Anael.

Horæ Noctis

Angeli horarum.

1	Beron.	Raphael.
2	Barol.	Gabriel.
3	Thanu.	Cassiel.
4	Athir.	Sachiel.
5	Mathon.	Samael,
6	Rana.	Michael.
7	Netos.	Anael.
8	Tafrac.	Raphael.

H 3 9 Sassur

9	<i>Sassur.</i>	<i>Gabriel.</i>
10	<i>Aglo.</i>	<i>Cassiel.</i>
11	<i>Calerna.</i>	<i>Sachiel.</i>
12	<i>Salam.</i>	<i>Samael.</i>

Illud autem obiter notandum, primam horam Diei, vbilibet gentium, & quocunque tempore, assignari soli orienti, vbi primum apparet in Orifonte oriente:

Primam autem horam noctis,
esse decimam tertiam à
prima hora diei.

Sed de hic
hactenus.

Elementorum Magicorum

Petri de Abano,

Finis.

